


MONYANYA WA DIPHALAFALA

 A re inamišeng dihlogo tša rena. Morena, ka mohla wo motee go ile gwa bolelwa, ke barutiwa ba Gago ba ba rategago, “Re rute go rapela.” Ka gore ge re swara tebelelo ya Modimo yo mogolo wa Legodimo, re lemoga ka fao re hlaelwago. Ka fao re rute go rapela, Morena, ka dipelong tša rena bjale, ka dilo tše di—di tla holago Mmušo wa Gago le go bahlanka ba Gago. Wena o tseba senyakwa sa motho yo mongwe le yo mongwe mo.

² Gomme mo godimo ga teseke, mosong wo, ke disakatuku le dithethwana, le feela diphasela tše nnyane go tšwa go senyakwa sa thušo ya mmele, le tša ka gae, le eng kapa eng e ka bago yona. Eupša Wena o Modimo, gomme Modimo a nnoši, Modimo wa therešo a nnoši yo a lego fao. Gomme re Go kgopela Leineng la Jesu, Morwa morategi wa Gago, gore O tla fodiša yo mongwe le yo mongwe wa ba. Gomme fao go ka ba ba bangwe mo ba se nago sakatuku mo, goba phasela, ye e nyakago phodišo.

³ Fao go ka ba kua bangwe ntle go kgabaganya ditšhaba, go dikologa lefase, bao le theipi ye e tla kopanago le bona ka magaeng a bona goba dikerekeng tša bona. Re tla rapela, Morena, gore ge tirelo e sa ya pele, ka—ka . . . goba theipi e ralokwa, goba seemong sefe re ka bago, goba—goba seemo, a nke Modimo yo mogolo wa Legodimo a hlomphe tlhokofalo ye ya dipelo tša rena mosong wo, gomme wa fodiša bahloki, ba fe se ba se hlokago.

⁴ Re šegofatše bjale ka tirelong ye e tlogo pele. Bolela ka rena, ka mokgwa wo go sego gwa ke gwa ba pele, bakeng sa Mmušo wa Modimo. Re letetše, Leineng la Jesu, karabo ya Gago. Amene.

⁵ A le ka nthuša ka se? [Ngwanešu Branham o šuthiša dilo go tloga phuluphithing—Mor.]

⁶ Ke mo go botse go ba mo ka kerekeng gape mosong wo. Gomme ke be ke no bolela le ba bangwe ba bagwera ba ba sa tšwago go tla ka gare go tšwa Ohio, go mosetsana yo monnyane, yo a tlišitšwego tlase mo dikgwedi di se kae tša go feta, yo a bego a ehwa ka lukimia. Batho ba be ba diila kudu, batswadi. Gomme ga se ka ba le nako mosong wo go bala bo—bopaki bjo bo yago faeleng. Eupša fao go na le senepe sa mosetsana yo monnyane ka morago ga matšatši a mararo, ke a dumela e be e le, ka morago ga ge a rapeletšwe. Dingaka di mo fa matšatši a mararo feela go phela, gomme ka matšatšing a mararo moragorago ga se ba kgona go hwetša le mohlala wa yona. Gomme ka fao o ka sekolong, o thabile kudu. Ke na le nnete kereke e a elelwa ge re be re na le yena mo ka kamoreng.

⁷ Gomme gape le lesea le lennyane le le belegwego le mala, go swana le, ka ntle. Ka mokgwa wo mongwe dingaka, gomme

seemo se sennyane se ka tsela ye mala a bego a bopegile, a be a sa kgone go bewa morago gape. Ba be ba boifa go kgwatha selo se sennyane, e no ba lesea la leswa le sa tšwago go tswalwa. Gomme bjale, mothaka yo monnyane a ka ba ngwaga ka bokgale, ke a thanka, selo se sengwe sa go swana le seo, ka mala ao a lego sekeng, selo se sengwe le se sengwe se no ba sekeng ka mo se kgonago go ba. E no ba mogau wa Modimo, gore ka fao A re loketšego.

⁸ Bjale, lehono, ke be ke nyaka go bega gore kopano ye re bego re e beakanya, ke be ke beakanya go ya beke ye e latelago ye e tlogo ka—ka Afrika, ka kua le Ngwanešu Joseph Boze, ka Kenya le Tanganyika. Ga re kgone go ba le kopano, ka thelekeramo morago go tšwa go Ngwanešu Boze, “Beke ya go feta ba bararo ba baromiwa ba rena beng ba bolailwe, gomme ba bolailwe.”

⁹ Gomme ba na le dikhuduego kua bjale. Gomme makomonise a thelletša dithunya ka gare go badudi ba setlogo, ba tleleima gore ba na le dikepe tša dihlapa di dutše tikologong, Red China le Russia; gomme ba iša dithunya go badudi ba setlogo, gomme ga ba tsebe bokaonekaone go di šomiša feela godimo ga se sengwe le se sengwe se ba se bonago go se šomiša godimo ga sona. Ka fao, fao, mmu—mmu—mmušo o gopotše gore go ka se be bohlale go ba le kopano ka nako ye. Gomme ge ke kwešiša, gape, gore Ngwanešu Boze ga a kgone le go ba le sekolo sa gagwe se bulegile ka lefelong le, mo ke bego ke eya, ka nako ye. Eupša ga se la khantshelwa, le nno feywa go fihla ba kgona go e homotše gape.

¹⁰ Ke thabile kudu mosong wo go bona, magareng ga rena gape, mengwaga ye mentši a se gona, Ngwanešu Jackson, Ngwanešu Sidney Jackson le Kgaetšedi Jackson, go tšwa Afrika Borwa. A ba boletše? [Ngwanešu Neville o re, “Eye.”—Mor.] Gomme batho ba e be e le banešu le kgaetšedi ba nnete, le bašoma-mmogo ka khampheining ka Afrika Borwa, leeto la mafelelo ka kua. Leo, re tshepago gore letšatši le lengwe, ka mogau wa Modimo, go boela morago le bona gape, ka baka la gore ke tlhokego.

¹¹ Gomme ke be ke leka lebaka la mengwaga ye senyane go ya morago. Eupša, ka baka la mekgatlo, le go ya pele, ga ba ntumelele go ya morago. Ka fao ke ba ngwaletše lengwalo kgauswinyana, gomme ka re, “Ka gona a nke madi a disoulo tšeo tša go lahlelega a be godimo ga lena gomme e sego godimo ga ka.” Ka gore, ke a dumela gore Modimo o be a nyaka go šomiša bodiredi bja ka godimo kua, go batho bale, nako ye nngwe. Eupša ka phapano ya dikereke tša bona tša maina, ba ka se ntumelele go tla morago. Eupša, ka moka gabotse, Morena o tla hlokomela seo.

¹² Bjale, se ke ratago go se bolela mosong wo, gore ge Morena a rata, Ngwanešu Neville o nkgopetše go ba le ditirelo bošegong bjo, gomme ka Tabarenekeleng. Ka fao re . . . Le a laletšwa ntle.

Gomme ka gona Lamorena le le latelago, Morena ge a rata, ke swanetše go ba mo, gape; ka gona mohlomongwe lebaka la a a latelago a mabedi goba a mararo Malamorena, ka baka la go se be gona ga ye, go khantshelwa ga kopano yeo e bego e dirwa.

¹³ Bjale, gape re rata go bolela, gore, ke boletše gore mohlomongwe re tla rera Diphala-fala tše Šupa nakong ye. Re be re makala go no re re be re eya go e dira bjang ka go bogolo bjo bo sego bja lekanela bja moago le go se kgotsofatše go setšidifatsa-moya, ga go moya ka kamoreng. Ga se ya be ya beakanywa ka go tšidifatsa-moya. Gomme re lekile go hira sekolo se godimo mo, seo se nago le moya wo o tšidifaditšwego, seo se dulago e ka ba . . . Oo, ga ke tsebe; ke mothama wo mobotse wa go dula, sekolo se sekaone. Eupša ga se ra kgona go hwetša selo.

¹⁴ Gomme, go tla ba, ba tla re fa beke ye e latelago. Eupša, beke ye e latelago? Le a bona, go na le baemedi go tšwa go dikarolo tša go fapana tša lefase; go tšwa Jamaica, le go tšwa Islands, le go tšwa borwa, le Amerika Borwa, le Canada, le Mexico, le go kgabaganya ditšhaba. Gomme re rometše ditsebišo ntle Mošupologo, ka gona ga se ba di hwetša go fihla e ka ba Laboraro goba Labone; gomme ka gona ba swanelwa ke go kgopela nako go tloga, le go ya pele, seo se bego se tla e lahlela tsela ntle.

¹⁵ Beke tše di latelago, ka, go fihla nako ya sekolo, ke, o swanelwa ke go e tšea bošego bjo botee, gomme ka gona wa tloga mohlomongwe bošego goba a mabedi, ka gona pele gape, ka gona . . . Ga se ra no kgona go dira seo. Le be le ka se kgone go se dira.

¹⁶ Ke makala gore ka baka la eng, ge ke rapetše ka tlhokofalo. Gomme ka gona ke nako ya rena go boela morago Arizona gape, gore bana ba ye sekolong. Gomme ka gona re . . . Ke be ke bolela le mosadi.

¹⁷ Gomme, go lokile, maabane ke ile ka kamoreng, gomme ka re, “Morena, nka—nka no se šomiše mantšu a mantši kudu, eupša, kwešiša, ka kgopelo, Modimo, seo ke se rago ka pelong ya ka. Molato ke eng gore se sengwe le se sengwe se repša go tloga go go rereng Diphala-fala tše?” Gomme ka gona A tla gomme a e utolla. Gomme bjale, mosong wo, ke nyaka go bolela le lena lebaka gore ka baka la eng.

¹⁸ Gomme bjale a re, ba ba swerego Dibeibele gomme ba rata go—go, bula ka Dibeibeleng tša rena. Re tla bula pele go Lefitiko, ya 23 tema ya Lefitiko.

¹⁹ Ge Morena a rata, bošegong ke ya go rera ka thuto: *Go Ya Bokagodimo Ga Kampa*. Gomme e tla ba ye kopana, gomme gore le kgone go ba le nako go ya morago mafelong a lena a mošomo.

²⁰ Re thaba go bona baeng ka gare, batho go tšwa ka ntle ga toropo. Ke ba bakae ba go tšwa-ka-ntle ga toropo batho ba ba lego mo, ge re sa lebeletše? Masomesenyane-tlhano a

peresente, ya, masomesenyane-seswai a peresente ya phuthego. Ka fao, le a bona ga se Jeffersonville, ke batho ba ba tlogo ka Jeffersonville, ba ba dirago . . . Re mo ka mogau wa Morena.

²¹ Gomme bjale ke nyaka go bala mafelo a mararo, mosong wo. Le letee la wona le hwetšwa ka go Lefitiko ya 23 tema, gomme le lengwe le ka go Jesaya 18, le Jesaya 27, lena bao le e marakago fase.

²² Gomme bjale go na le go rera . . . Morena ge a rata, ke tla dira seo bošegong bjo. Eupša ke nyaka go ruta, mosong wo, ka monyanya wa diphala tše šupa. E lego, kgwedi ye ke monyanya wa diphala tše šupa, go thoma . . . gomme e lego kgwedi ya bošupa, yeo e tla bago Julae la 15, o thomile ka monyanya wa diphala, ka go melao ya Balefi.

²³ Bjale, gomme ge le na le dipampiri tša lena le dilo, gomme le rata go ngwala fase Mangwalo le dingwalwa, le go ya pele, ge re eya mmogo.

²⁴ Fao go na le selo se setee go kopano ye, go a fiša, gomme re tlwaetše seo go kgabola mengwaga. Eupša yo mongwe a ka no nagana gore ke dumela gore ge re tsena ka moagong wo ge re tlogela nako, mohlomongwe, gomme seripa, gomme seripa ka go Bokagosafelego, tsela ye ke swarago batho botelele. Ga ke e re go ba ka tsela yeo. Eupša ke a dumela re phela kgauswi kudu go go Tleng ga Jesu, mo ke swanetšego go tšea monyetla wa motsotso wo mongwe le wo mongwe wa go ba le batho mmogo.

²⁵ Gomme ke be ke nagana, ge ke be ke otlela go theoga tsela lebakana la go feta, ke le ka ntle bakeng sa thapelo ye nnyane feela pele ke tsena phuluphithing, bjalo ka ge yo mongwe le yo mongwe wa moruti monna yo a hlokofetšego ka nnete a dira. Ke be ke nagana, “Le a tseba, re na le nako ya letago kudukudukudu ge re kopana mo mmogo! Eupša, gomme batho ba kgobokane go tšwa dinageng tše ntši, ba dutše mo thwi bjale, ba tšwa tsela kgole, makgolo le makgolo a dimaele, gomme re kgobokane mmogo go kopanela mmogo go dikologa Lentšu. Eupša fao go tla tla nako, ka pela, ge se e tla ba no ba mogopolo go rata.” Yeo ke therešo.

²⁶ Dinako tše di tla tšewa go tloga go rena, ka fao ka gona re swanetše go dira ka moka tšeo re tsebago ka fao re ka dirago, go dira se, motsotso wo mongwe le wo mongwe, o a bolela. Gomme naganang ka se bjale, ge re sa tlaišega ka phišong ya mosong. Gomme, le a tseba, mmele wo mongwe le wo mongwe wa motho ke—ke motšhene wa phišo, ka bowona, gomme o e dira bothata gabotse go wena. Gomme, eupša ke nyaka le hwetša Lentšu.

Bjale, feela pele re—re bala, a re rapeleng.

²⁷ Morena, bontšintšintši motho yo mongwe le yo mongwe ka mo a ka kgona go šišinya diatla tša bona, ba ka kgona go

phetla matlakala a Beibele ye. Eupša fao go eupša yo Motee magareng ga rena mosong wo yo a ka kgonago go E bula; wo ke Moya wo Mokgethwa wo mogolo, wo o lego ka magareng ga rena. Bula Lentšu go rena, Morena, ge re bala, bjalo ka ge O dirile go barutiwa, ge ba be ba eya ka tsela ya bona go ya Emause, gomme wa thoma go hlatholלה Mangwalo go bona. Gomme a nke rena, ge re tloga, re bolele bjalo ka bao ba etla morago Jerusalema go tšwa Emause, “A dipelo tša rena ga se tša swa ka gare ga rena ge A be a bolele le rena mmogo tseleng?” Ka gore ke Leineng la Jesu re a e kgopela. Amene.

A re emeng ka tlhomphokgolo go Lentšu.

28 Bjale, thuto ya ka mosong wo ke: *Monyanya Wa Diphlafala*. Ke nyaka go bala bjale go tšwa go ya 23 temana go ya 23 tema ya Lefitiko.

Gomme MORENA o boletše le Moshe, a re,

Bolela le bana ba Israele, o re, Ka kgweding ya bošupa, gomme ka letšatši la pele la kgwedi, le tla ba le sabatha, segopotšo sa go letša diphlafala, pitšo kgethwa.

29 Bjale, ka Pukung ya Jesaya, go thoma ka ya 1 temana ya tema ya 18, ye e kopanya se mmogo.

Madimabe go naga ye e ukametšego wa morithi ke diphego, ye e lego mošola wa noka ya Ethopia:

Yeo e romago baemedi ka lewatle, le ka diketswana lehlakano ka godimo ga meetse, ya re, Eyang, lena bahlanka ba lebelo, go setšhaba se se phatlaletšego . . . se se boreledi, ntle go batho ba ba tšhabegago . . . setšhaba se se tologilego ntle gomme se gatakela fase, seo naga ya sona e roletšwego ke noka!

Gomme ka moka lena baagi ba lefase, le badudi godimo ga lefase, bonang, ge a phagamiša sefoka godimo ga thaba; gomme ge a letša phalafala, le kwe.

30 Ka go Jesaya 27:12 le 13.

Gomme go tla tla go phethega ka letšatšing leo, gore MORENA o tla hlohlora go tšwa kanaleng ya noka go ya meeding ya Egepete, gomme le tla kgoboketšwa ka o tee ka o tee, O lena bana ba Israele.

Gomme go tla tla go phethega ka letšatšing leo, gore phalafala ye kgolo e tla letšwa, gomme le tla tla ba le loketšego go senyega ka nageng ya Asiria, le balahlwa ka nageng ya Egepete, gomme ba tla direla MORENA thabeng ye kgethwa ya Jerusalema.

31 A re rapeleng gape. Morena, šegofatša Mantšu a dipelong tša rena. A nke megopolo ya rena le dikgopolo tša rena di ye go ya ka taelo ya Gago. Leineng la Jesu. Amene.

Le ka dula.

³² Fao go dilo tše ntši tše modiša a ratago go di bolela go phuthago ya gagwe ye a e ratago, ya batho ba go fapana go tšwa mafelong a go fapana, tšeo di ka se dumelelwego ka baka la nako.

³³ Bjale ge re batamela thuto ye, re nyaka gore le ikwele le lokologile. Gomme ba bantši ba lena ba eme; gomme ge ke etla go feta, dihologo di be di tletše, le ka ntle ga mejako, le pele, le go dikologa moago, le go dikologa maboto. Ka fao, bjale, ge le nyaka go fetola madulo mongwe le yo mongwe, se e tla ba se sekaone.

³⁴ Bjale, *Monyanya Wa Diphala-fala*. Bjale, ye e be e le kgobokano ya Israele, moo ba bego ba kgobokane mmogo, monyanya wa diphala-fala.

³⁵ Bjale, ke be ke hlologetše nako ye e itšego go—go bolela ka thuto ya Diphala-fala tše Šupa ka Pukung ya Kutollo. Gomme bjale re ya go lebelela gape se, sebakana feela, le go tliša sehloa sa nnete go nna go se bolele nako ye, ka baka la gore Moya wo Mokgethwa ga se wa ntumela go bolela ka dilo tše ka nako ye. Ke a tseba seo se kwala se swa kudu, mohlomongwe, go batho ba thuto ye kgolo le kwešišo, eupša go Mokriste e a fapana. Re—re latela ketelopele ya Moya, yeo e nnoši.

³⁶ Bjale, ke thoma go ela hloko ka go rereng Mabaka a Šupa a Kereke, e lego—lego phethene, goba go lebelela pele go ka moka tšeo Modimo a bego a eya go di direla dikereke, le go kgabola dikereke, le go di bea maemong.

³⁷ Ditema tše tharo tša mathomo tša Puku ya Kutollo di utolla ka moka ditiragalo go Kereke. Ka gona, go tloga go tema ya 3 go ya go tema ya 19 ya Kutollo, fao ga go sa bonwa Kereke gape. Kereke e ya godimo ka go tema ya 4 ya Kutollo, gomme e bowa morago go tema ya 19 ya Kutollo, Monyalwa le Monyadi, mmogo, ba tla lefaseng. Gomme ka gona go tloga go tema ya 19 go ya go fetša ka tema ya 22, ke ka moka Miliniamong le seo se tlogo go ba ka mengwaga ye e tlogo go o latela. Nakong ya tema ya 4 go ya go 19, Modimo o šoma le Israele.

³⁸ Bjale, ka gona, ge re feditše ka puku ya kutollo ya kereke, se Modimo a se dirilego go dikereke tše šupa tšeo, tšeo nakong yeo di bego di le ka boseeng, goba morithi wa tšona, ka Asia Minor. Ka gona Moya wo Mokgethwa wa utolla le go bula go rena ka moka diphiri ka Fao, tša ka mokgwa wo A tlišitšego Kereke ya Gagwe go kgabola histori. Gomme ge le se na le *Mabaka A Kereke Tše Šupa* godimo ga theipi, go tla ba mo gabotse go a theetša. Gomme ka pela a tla ba ka sebopego sa puku.

³⁹ Ka gona go no e tlogela go seo, le go tšea gore ka morago ga lebakana re tla rera Mahuto, ke sa tsebe gore Mahuto a be a le eng.

⁴⁰ Ke be ke na le kgopolo ya ka mong, bjalo ka ge modiredi yo mongwe le yo mongwe a dira, go bala mohlomongwe se banna ba bangwe ba se boletšego; le go dumela kudu ka mo ke kgonago, le bona, ka dilo tše ba di thadilego, mafetšo a bona.

Ke badile puku ya Mna. Smith, Uriah Smith, e lego thitšhere ya Adventist, gomme ke badile ya gagwe—ya gagwe megopolo ka yona. Gomme ke badile Mna. Larkin. Ke badile, oo, tše ntši kudu tša go fapana, ka ditshwao tša bona ka Se. Eupša, ka mokgwa wo mongwe goba wo mongwe, ke ile ka gopola gore ke be ke na le—le pono ye nnyane ka lona, ka bonna, yeo e bego e ka ba ya mafelo a phapano. Eupša ke lekile nako e tee, go no bolela dithuto tše tharo, ya pele. . . goba dithuto tše nne tša banamedi ba bane ba pere. Ke rerile ka yona mašego a mane, bjo botee ka pere e tee, le bjo bongwe.

⁴¹ Eupša ka gona pele e direga, ke ile ka fiwa pono, yeo e lego theiping, bjalo ka ge ka moka le tseba, *Bahlomphegi, A Ke Nako Mang?* gore ke be ke swanetše go ya Tucson, Arizona. Gomme kua ka morago ga lehlakore la leganata, godimo ka thabeng, fao ke be ke na le baena ba bangwe, gomme ke botšwa ka mothuthupo wo mogolo wo o bego o tla direga, gomme ka. . . Barongwa ba šupa ba tla fase. Nna ke nagana, ka bonna, gore e be e le mafelelo a bophelo bja ka; ke ile ka botša mosadi wa ka go dira le Billy, le gore a dire eng ka bana, le go ya pele, go fihla re kopana gape ka lehlakoreng le lengwe.

⁴² Ka nagana letšatši le lengwe ka Sabino Canyon, ge Modimo a mpiditše mosong ka leselaphuthiana godimo kua, ke be ke le godimo ka diatla tša ka moyeng, ke rapela, gomme tšhoša ya tla ka diatleng tša ka. Le tseba seo. Ke ile ka ema fao gomme ka e lebelela, ka tlhago feela go swana le ka fao seatla sa ka se lego bjale, ke sa tsebe gore e be e era go reng. Gomme e ile ya ntlogellwa le Lentšu le la gore, “Ye ke Tšhoša ya Kgoši.” Gomme ka gona, ka moragorago, ge Morongwa wa Morena a e utolotše, E be e le Lentšu ka seatleng.

⁴³ Ka pela ka morago ga fao, Barongwa ba Morena ba tšwelela gomme ba mpošša ka Diphala-fala tše Šupa. . . goba Mahuto a Šupa, gore ke be ke swanetše go gomela morago mo Jeffersonville gomme ke rere Mahuto a Šupa. Gomme, fao, ge ke ile ka bolela eng kapa eng ye e bego e hebeditšwe, e bile ka fao. Fao ke moo Morongwa wa Morena a go kopana le rena, gomme Beibele ya ba Beibele ye mpsha. Fao E ile ya bulega gomme ya utolla dilo ka moka tše batsošoloji le dilo ba bego ba di tlogetše ka ntle. E bile kutollo ye e feletšego ya Jesu Kriste, ye mpsha ka moka mmogo go rena, eupša ka go phethagala tlwa le Lengwalo. Leo e be e le Lentšu leo ka mehla le bego le le. Ke ile ka šušumetšwa kudu le go laetšwa tsela.

⁴⁴ Ka gona ge ke etla go karolo ye mo, ya go rera Diphala-fala tše Šupa, ke ile ka gopolwa, “Go lokile, nka se leke go gopola eng kapa eng. Ke tla no leta go fihla nako yeo gomme ka Mo dumelela go e utolla go nna.” Gomme ka gona maabane ge ke be ke. . . ke ile ka kamoreng gomme ke makala gore ka baka la eng. . . Goba, ke kgopela tshwarelo ya lena, e bile letšatši pele ga maabane. Ge ke ile ka kamoreng, go leka go kwešiša, e bile

fao ge Moya wo Mokgethwa o butše se, go ntaetša lebaka le le ka se holego Kereke ka nako ye, ka baka la gore ga le na le selo go dira le Kereke, le gatee.

⁴⁵ Bjale, diphiri tše di utilwego tša Kriste di utolwetšwe ka botlalo ka go Mahuto a Šupa.

⁴⁶ O utolotše, pele, Mabaka a Kereke tše Šupa, wa bula mabaka wa a bea maemong, mmogo ka histori le ka Beibele, gomme wa a bea ka maemo, ka fao a bego a le ka gona. Gomme re ikhwetša ka borena ka go lebaka la mafelelo la kereke, e le Lebaka la Kereke ya Laodikia, e bego e le la go senyega kudukudukudu la mabaka ka moka a dikereke. Le go tloga go la mathomo, go tšwa Efeso, e be e le lebaka la kereke le legolo.

⁴⁷ Gomme ka gona ka fao, mo, Moya wo Mokgethwa o mphilego pono, le go bona se se tlliego go direga, ke ile ka thala godimo ga letlapantsho, mengwaga ye mebedi ya go feta. Se se godimo mo go sethalwa, gore ka fao Seetša sela se bego se timelella go tloga lefaseng, e tlogo go ba tlwa ka tsela ye Seetša sela se tlogo go tla lefaseng, bjalo ka Ebangedi, le ka mokgwa wo Se tlogo go timelela ka gare le ka ntle. Ke sa se tsebe, ka nako yeo, seo se se rago le ka fao se tla bago.

⁴⁸ Eupša mohlakanelwa wo mogolo wa lefase o bile le—le kopano le Roma; gomme Roma, yeo e lego mmago mekgatlo ka moka. Mopapa, nako ya mathomo ka historing, o ile a tlogela Vatican gomme a ya Jerusalema le mafelo a mantši. Bjale, Jerusalema ke setulo sa kgale sa ka moka bodumedi bja rena, ke Jerusalema. Gomme ka setulong se sa kgale, mopapa wa Roma, ye e bego e le lenaba le legologologolo la Kereke dinako ka moka, o a tloga go tla godimo go etela Roma. . . goba go tloga Roma go ya Palestena, Jerusalema.

⁴⁹ Gomme bjalo ka ge re bona, ka go se rutege, ka bonna, ka go se tsebe ma—mantšu le mokgwa wa go a bolela, ka mehla ke be ke ruta ba diswantšho, ka diphethene tša tlhago. Tlhago e tla latela tlhago. Tlhago ke ya Modimo.

⁵⁰ Ge o tšea nako ge dikgomo, godimo ka tšhemong, ka moka di phuthega mmogo sekhutlong sa tšhemo, tšea lešika la gago la hlapi go tšwa ka gare ga meetse; hlapi e ka se ke ya loma. O ka se tsoge wa di swara; le a bona, dikgomo di khutšitše; ntle le ge go ka direga go lahlela thwi fase ka mpeteng wa ye tee. Eupša ge dikgomo di eya go ja, hlokomela. Ka nako e tee dikgomo di dira seo, dinonyana le tšona di tla ya mehlareng; di tla tlogela go ja. Le a bona, ke tlhago. Ka moka ga yona e hlakane mmogo. Le lemoga dinose, ka nako yeo, di bobola godimo ga todi ya tšona, e sego go e kgobela. Tlhago ka moka e šoma mmogo.

⁵¹ Gomme ka fao, go swana le ge re bona mohlare o hlohlora letlakala, gabotse ka pela bjale, mo dikgweding di se kae tše di latelago, letlakala le tla tlogela mohlare. Gomme bo—bophelo, mohlodi, o tla ya tlase ka modung. Gomme

letlakala la mohlare le tla hlohlorega gomme la wela mobung gomme le tla bola. Gomme khalesiamo le—le phothaše, gomme e ka letlakaleng la mohlare, e tla bola ka mobung. Gomme go diregile eng? Bophelo bo ile pele ga wona, gomme o tla bo monela thwi morago ka go wona mong, gomme wa tliša letlakala lela morago gape. Ke lehu, poloko, le tsogo.

⁵² Gomme tlhago ka moka! Gomme ngwedi ke—ke mosadi wa letšatši. Ke seetša se se nnyennyane. Gomme ka gona, gape, gore ge letšatši le ile, ka go se beng gona ga letšatši, ngwedi o bonatša seetša lefaseng, e lego seswantšho sa kereke. Gomme ge mopapa a tloga, lenaba la kgale le kereke, gomme a etla godimo Jerusalem, e lego setulo sa kereke; e lego, Jerusalem ye mpsha le Jerusalem ya kgale; re ela hloko, pele e e dira, fao go bile go fifala ga go felela ga ngwedi.

⁵³ Gomme ka dipampiring, go kgabaganya setšhaba bjalo ka ge re na le yona godimo ga letlapa, e pealaditše ka fao ngwedi o fetogilego go tloga go seetša go ya go leswiswi. Gomme yona tiragalo ye ya wona, gore ngwedi o thadilwe tlwa, ka magodimong, selo se se swanago Moya wo Mokgethwa o ntirilego go se thala mo mengwaga ye mebedi ya go feta, gomme o laetša . . . go pipetša . . . Ge o ile dinepe tše tshela, ke beile sa bošupa godimo fao, ka baka la gore lebaka la kereke ya bošupa, feela morithi wa Seetša, go ya ga . . . Fao ke mo Jesu, mojako, o a kokota. Eupša o ile ka go leswiswi la go felela.

⁵⁴ Gomme a ponagatšo, a Molaetša go tšwa go Modimo ka Boyena, gore dilo tše ke Therešo! O e pakile pele ka Lentšung la Gagwe, ka gona ka Moya sefaleng, gomme a e bega ka magodimong. Fao ga go phošo ka yona le gatee. Mahuto ao le Mabaka a ka mothalong, ka go phethagala, Modimo o fa bohlatse ka maswao le dimaka tša ka godimo ga tlhago, ka Lentšu le histori, ka moka di beilwe mmogo, ka lebakeng le re phelago ka go lona bjale.

⁵⁵ Bjale ke mo go thata go dikereke go bona se. Ke mo go thata go dikereke tša maina go e bona. Ka mehla ba leka go nagana gore o leka go kgakgamolla batho. Ga o dire; o leka go sebotša batho. Ga se go leka go ba yo mobe go bona; o leka go ba tloša bobeng. Ga se batho ka mekgatlong; ke tshepedišo ye ba lego ka go yona, yeo e ba ahlolago. Ba go botega, ba go hlokofala batho ke Katoliki, Protesetanta, Sejuda, le eng go feta. Ke batho ba—ba . . .

⁵⁶ Bonun ga ba ye lefaseng la dinun go ba basadi ba babe; ba ya ka kua go ba basadi ba go loka. Ba leka go tla kgauswiuswi le Modimo, eupša ke tshepedišo ye e ba tšhilafatšago. Motho o tšoenana kereke, e sego go ba motho yo mobe, eupša go ba motho wa go loka. Eupša ke tshepedišo ya kereke ye e ba gogago go tšwa Lentšung le melawana yeo Modimo a e beetšego letšatši le; gomme yeo ke ye e ba ntšhetšago ka ntle.

57 Bjale eelwang, Modimo ke Lentšu, gomme lebaka le lengwe le le lengwe O abetše Lentšu go lebaka le lengwe le le lengwe le le tla bago lefaseng. O Le abetše ka go lebaka la kereke, gomme Mahuto a Šupa a utolotše karolwana ye nngwe le ye nngwe ya Lona. Le a bona?

58 Ka baka la eng fao...go bile fao diphiri tše di bego di sa utilwe? Kutollo 10, re a hwetša, mafelelong a Molaetša wa morongwa wa bošupa, gore, diphiri tše di bego di utilwe di tla utollwa, Kutollo 10:1 go fihla 7. Elang hloko, lebaka ke gore fao go be go se baporofeta lebakeng la lebaka le. Beibele e boletše, gore, “Modimo ga a dire selo go fihla A se utolla go baporofeta ba Gagwe, bahlanka ba Gagwe, baporofeta.” Gomme Lentšu la Morena go mabaka ka moka ka mehla le be le etla go baporofeta, e sego go tshepidišo, e sego go sehlopha.

59 Modimo ga se a ke a šomiša sehlopha. Nako ye nngwe le ye nngwe sehlopha se se itšego sa batho ge se kगतlofaditše, Modimo o se tlogetše gomme ga se ake a bowa. Nyakišiša histori gomme o bone ge eba ke therešo goba aowa. Re šetše re e dirile. Yena ga a šome le tshepidišo goba sehlopha, ka morago ga ge ba kगतlofaditše; ke kgahlanong le Modimo.

60 Ka fao, lebakeng la nako ya ditsošološo, fao go tllile batsošološi ka gare, bjalo ka Mahuto a Šupa a netefaditše gore go be go le bjalo. Eupša ka matšatšing a mafelelo bjale, e be e swanetše go utollwa gape. Ka baka la gore, re hwetša ka Lengwalong, ka go Maleaki 4, gore fao go swanetše go ba tlotšo ye e tlogo fase le go bušetša gape Tumelo yela ya setlogo, “le go tliša tumelo ya batho morago go pentecost ya setlogo, Tumelo ya botate.”

61 Gomme re tšere Eliya wa go eta pele la mathomo; re tšere Elisa wa go mo latela; re tšere Johane Mokolobetši ka morago ga fao, yo e bego e le Elisa wa letšatši leo; le tshephišo ya yo mongwe ka letšatšing le.

62 Bjale, Johane Mokolobetši e be e se Elisa wa Maleaki 4. O be a le Elisa wa Maleaki 3. Jesu o boletše bjalo. “Bonang, Ke roma motseta wa Ka pele ga sefahlego sa Ka, go lokiša tsela.” Re mo hwetša a le yeo.

63 Bjale, ka go dira se, ka go hwetša maemo ao, re a tseba gore ka moka lohle Lengwalo, le šušumeditšwe ke Modimo, le utolla go rena gore re ka letšatšing la mafelelo.

64 Bjale, ge ke tllile ka molaetša wa Pentecost, ke tla be ke le ka Lebakeng la Kereke ya Laodikia, gomme go be go ka se be gabotse.

65 Ke ka baka leo Wesley ga se a kgona go tšea molaetša wa Luther. Luther o be a le ka lebakeng le letsee, lebaka la kereke, gomme Wesley o be a le ka go lebaka le lengwe la kereke. Ge

Jesu nkabe a tlile ka go . . . ka molaetša wa Moshe, nkabe o se wa šoma. Ge Moshe nkabe a tlile ka molaetša wa Noage, o kabe o se wa šoma.

⁶⁶ Eupša Modimo o abetše go ba Gagwe—ba Gagwe—ba Gagwe batho, ba lebaka le lengwe le le lengwe, Lengwalo. Gomme pele lebaka le ka kgona go tla go ba gona, ka nakong, ka gona dikereke di le hlakahlakanya kudu mo e lego gore ga—ga ba tsebe mo ba emego gona.

⁶⁷ Ke ka baka leo ba feilago go lemoga Jesu ge e le Morwa wa Modimo. Ba, ditšo tša bona di fougaditše mahlo a bona, eupša O be a le tlwa le Lengwalo.

⁶⁸ Baporofeta ba be ba swana. Jesu o rile, “Ke ofe wa lena, wa botataweno, a sego a ke a kगतla ka maswika baporofeta bao ba bego ba rometšwe go lena?” Ka gona Modimo o roma moporofeta wa Gagwe, go . . . gomme moporofeta ke Lentšu le le phelago la Modimo, le dirwa go bonagala.

⁶⁹ Jesu o rile, “Le ka Nkahlola bjang, gore, ‘Ke nna Morwa wa Modimo,’ gomme le bitša, ka melaong ya lena beng. . . Le rile, bao Lentšu la Morena le tlilego go bona,” e bego e le baporofeta, “le ba bitša ‘badimo.’ Gomme ke bona, ka gore Mangwalo a ka se kgone go robja,” A rialo. “Ka gona le ka Nkahlola bjang?” Ge A le . . . Ba be ba le karolo ya molao, ba be ba le karolo ya Lentšu la Modimo, eupša Jesu o be a le botlalo bja Lentšu la Modimo. Polane yohle ya Gagwe ya topollo, go lekanela gohle ga Modimo, go be go le ka go Yena.

⁷⁰ Gomme bjale, go kgabola mabaka a kereke, ba dirile selo se se swanago. Gomme Mahuto a Šupa ke go utolla ka moka diphiri tše di bego di tlogetšwe lebakeng la nako yeo, ka baka la gore re be re se na le baporofeta, gomme Lentšu ga le tle go batsošološi. Baporofeta!

⁷¹ Modimo ga a fetoge. Ka go Maleaki 3, o rile, “Ke nna Modimo, gomme Nna ga ke fetoge.” Tsela ya Modimo ya mathomo ya go dira eng kapa eng, ke tsela ya Modimo ya ka mehla ya go dira eng kapa eng. Modimo o ile a tšea sephetho gore O tla phološa motho ka Madi a a tšholotšwego a yo Motee wa go hloka molato, ka tšhemong ya Edene, gomme Yena ga se ake a e fetola e sa le, gomme a ka se kgone go e fetola. Re lekile, ka thuto, ka meago, ka ditshepedišo, ka dikereke tša maina, ka maitshwaro, le se sengwe le se sengwe gape, gomme ka moka e feitše. Eupša fao go le felo le letee feela leo Modimo a kopanago le motho, leo ke, ka fase ga Madi ao a tšholotšwego a wa Go hloka molato. Madi feela! Seo ebile sephetho sa Gagwe sa mathomo. Le a bona?

⁷² Re ka kgona go dira sephetho, gomme ngwaga wo o latelago re ka kgona go nagana bokaonekaone. Re na le kgopolo ye kaonekaone ya sona, ngwaga wo o latelago. Modimo ga a kgone; Ke wa go se felele. Sephetho sa Gagwe

sa mathomo se phethagetše; ga go selo se ka se šuthišago. Nka kgona go ithuta go fetiša; re a felela. Nka kgona go ithuta go fetiša; o ka kgona go ithuta go fetiša. Eupša Modimo a ka se kgone go ithuta go fetiša; O phethagetše, sa mathomo. Gomme, ka fao, sephetho sa Gagwe sa mathomo, khutšiša soulo ya gago godimo ga sona. Seo Beibele e se bolelago, seo ke sona!

⁷³ Modimo o swanetše go ahlola lefase letšatši le lengwe. Gomme Katoliki e re O tla ahlola ka kereke ya Katoliki. Ge seo se le bjalo, kereke efe ya Katoliki? Di a fapana, ye tee go tšwa go ye nngwe. Ge o eya go le ahlola ka Porotesetanta, kereke efe ya Porotesetanta? Di a fapana, ye tee go tšwa go ye nngwe. Gomme go tla gakantšha gannyane; ga go yo motee a ka tsebago mo a emago. Ge Methodist e rereša, Baptist e lahlegile. Ge Porotesetanta e rereša, Katoliki e lahlegile; Katoliki e a rereša, Porotesetanta e lahlegile.

⁷⁴ Eupša Beibele e rile O tla ahlola lefase ka Jesu Kriste, gomme Ke Lentšu. Ka gona, O tla le ahlola ka Lentšu.

⁷⁵ Gomme ka moka dikereke tša maina di tlogela Lentšu leo, go dira dithutotumelo tša tšona. Ke no kgopela mang kapa mang go nkgonthišetša fao di tšeago Lentšu la go tlala. Di ka se kgone go e dira, ka baka la gore e laolwa ke tshepedišo ya monna. Fao o bilego le monna . . .

⁷⁶ Modimo ga se a ke a šomana eupša ge e se motho yo motee ka nako. Ga se a ke a ba le ge e le baporofeta ba babedi ka nako ya go swana. Yo motee! Modimo a ka kgona go hwetša monna yo motee ka seatleng sa Gagwe. Ga a šomane le wena . . . mokgatlo wa gago; O šomane le wena.

⁷⁷ Bjale, godimo ga motheo woo, re tla go monyanya wa diphala-fala, diphiri tše di utilwego. Se porofetile gore se be se swanetše go ba ka tsela yeo, ka fao se be se swanetše go utollwa ka tsela ye se bego se le ka gona. Eupša go utollwa ka letšatšing le la mafelelo, go phethagatša tlwa se ke sa tšwago go se bolela, Maleaki tema ya 4, Luka tema ya 17 le—le temana ya 30, ka fao A tla e dirago, le Baheberu 13:8, Baheberu 4:12, le a mantši a Mangwalo ao a re botšago. Bjale, ge seo e le se sešele go ba bangwe ba lena, a nke ke re Modimo ka mehla . . . Tsela ye Modimo a tsebjago magareng ga batho ke ka go ba seporofeto.

⁷⁸ Bajuda ka mehla ba tsebile go dumela baporofeta ba bona. O rile, “Ge fao go ka ba yo motee magareng ga lena, Nna Morena ke tla bolela go yena ka ditoro tša semoya le dipono. Gomme, se a se bolelago ge se etla go phethega, gona mo kweng.” Ka mehla ba be . . .

⁷⁹ Ke ka mokgwa wo ba feitšego go lemoga Jesu, gomme ba swanela ke go Mmea selo se sengwe gape, ka fao ba Mo dira moya wo mobe, “Beletsebubu,” ka baka la gore O be a kgona go hlatha megopolo ye e bego e le ka dipelong tša bona. Ka mehla re a tseba gore leo ke leswao la Lentšu.

⁸⁰ Baheberu tema ya 4, temana ya 12, e rile, “Lentshu la Modimo ke le bogalegale go feta tšhoša ya magale-mabedi, gomme ke molekola megopolo le maikemišetšo a pelo.”

⁸¹ “Ge Yena Moya wo Mokgethwa a tla tla godimo ga lena, O tla le eletša dilo tše tšeo Ke di boletšego, gomme o tla le laetša dilo tše di tlogo.”

⁸² “Modimo dinakong tša kgale, ka mekgwa ya go fapana,” Baheberu 1, “o boletše le botate ka baporofeta, ka mo matšatšing a mafelelo ka Morwa wa Gagwe, Jesu Kriste.” Modimo yo a swanago, o nno fetoga go tšwa go baporofeta go ya go Morwa. Seo ke ka moka. Le a bona? Ka mehla Molaetša wo o swanago, tsela ye e swanago go o dira.

⁸³ Bjale, go porofetilwe gore dikereke di tla ba ka leemong le, di swanetše go bušetšwa morago gape. Gomme O rile, ka go Maleaki 4, gore O tla “roma Eliya moporofeta, gomme o tla bušetša ba—batho morago gape,” le ka . . . o e tliša. Elang hloko. Gomme feela pele . . . Goba, thwi ka morago ga Molaetša wa gagwe, fao go tla ba nako ge lefase le tla swa, gomme baloki ba tla sepela godimo ga melora.

⁸⁴ Bjale, go moithutamodimo yo a itšego yo a ka bego a theeditše ka gare go theipi, felotsoko go dikologa le lefase, ge o nagana gore yoo e be e le Johane, elelwa, gona, Mangwalo a fošagetše, ka gare lefase ga se la swa ka morago ga molaetša wa Johane. Jesu ga se a tla gomme a tšea batho ka Miliniamong; eupša O tshephišitše go e dira ka morago ga ge Moya wa Eliya o etla godimo ga lefase gape.

⁸⁵ Elang hloko bjale ka go Maleaki 4, re bona mo gore se se swanetše go dirwa go bušetša (eng?) tumelo ya batho go botate ba setlogo, Thuto ya pentecost, botate ba setlogo. Gomme o tla bušetša batho morago go botate.

⁸⁶ Re hwetša ka go Luka 17, Jesu o boletše gore ge A etla ka mo matšatšing a mafelelo, Luka 17:33, re hwetša gore Jesu o rile, “Bjalo ka ge go bile ka matšatšing a Loto, ka fao go tla ba ka go tleng ga Morwa wa motho, ge Morwa wa motho a utollwa.”

⁸⁷ Bjale elang hloko, O tla ka maina a mararo a morwa. O tla ka leina la Morwa wa Dafida . . . Goba, Morwa wa motho, Morwa wa Modimo, Morwa wa Dafida.

⁸⁸ Bjale, O ile a swanelwa ke go tla bjalo ka Morwa wa motho, ka baka la gore O be a le Moporofeta. Jehova, ka Boyena, o biditše baporofeta, “morwa wa motho.” Gomme Jesu ga se a ka a ipolela ka Boyena bjalo ka Morwa wa Motho. O itšhupile Boyena, ka mehla, bjalo ka Morwa wa Modimo. O ipoletše ka Boyena, bjalo ka Morwa wa motho. Gomme elang hloko, O ikutlototše ka Boyena nako yeo bjalo ka Moporofeta, Mmoni. A re, “Ge Ke sa dire mediro ya Tate wa Ka, gona le se ke la o dumela.” O phethagaditše tlhaloso ye nngwe le ye nngwe ye ya go bolelwa ka Yena ka Lengwalong, le go

ya lehung la Gagwe, poloko, tsogo; go bapolwa ga Gagwe, tswalo ya Gagwe, ka moka. Gomme ka modirong wa Gagwe, O phethagaditše tlhaloso ya Mmoni, Morwa wa motho.

⁸⁹ Bjale O utolotšwe go kgabola mabaka a kereke, bjale hlokomelang, go kgabola mabaka a kereke, bjalo ka Morwa wa Modimo. Modimo e le Moya, Moya wo Mokgethwa, O ikutlotše ka Boyena ka go mabaka a kereke go swana le, ka phuthegong, bjalo ka Moya wo Mokgethwa magareng ga batho.

⁹⁰ Re a hwetša, ka go Lebaka la Kereke ya Laodikia, lebaka la mafelelo la kereke, O beilwe ka ntle ga kereke. Ga go felo gape A kilego a bewa ka ntle, ka go lebaka le le itšego, ge e se ka go Lebaka la Laodikia. “Ka baka la gore, ba rile, ‘Re humile gomme ga re hloke selo.’ Gomme ga ba tsebe gore ba a šokiša, ba diila, ba a ponoka, gomme ba fufetše, gomme ga ba e tsebe.” O beilwe ka ntle ga lebaka la kereke.

⁹¹ Gomme ka gona, go ya ka Luka 17, O rile, “Bjalo ka ge go bile ka matšatšing a Sodoma, ka fao go tla ba ka go tlang ga Morwa wa motho.” Bjale, O be a bala Genesi ye e swanago ye re e balago. Elang hloko, ka Sodoma, se se diregilego. Go be go le eng ka Sodoma? Abraham . . .

⁹² Fao ka mehla go na le magoro a mararo a batho. Fao go be go le Abraham, mokgethiwa le mmiletšwa ntle, ka ntle ga Sodoma ka boyona. Fao go be go le Loto, leloko la kereke, goba monna wa kereke ya leina, tlase; o bile karolo ya lefase lela, ka go ba meyara wa toropokgolo, a dula kgorong; o be a le moahlodi, e lego meyara. Gomme fao go be go le Sodoma, ka boyona.

⁹³ Bjale, nakong ya mantšiboa, goba ka sekgalela sa letšatši, ge Abraham a be a le ka tlase ga moouku wa gagwe, Barongwa ba bararo ba tšwelela go yena. Ba babedi ba bona ba ya tlase ka Sodoma, gomme ba rera Ebangedi gomme ba leka go ba biletša ntle. Ga se ba ke ba e dira; ba be ba fapošitšwe. Loto, le mosadi wa gagwe, a nnoši, le ba babedi ba barwedi ba gagwe, ba thoma go ya ntle. Gomme mosadi a fetoga pilara ya letswai.

⁹⁴ Eupša yo Motee yo a go šala gomme a bolela le Abraham, yo Abraham o mmiditše, “Elohim, Ramaatlakamoka.” Genesi 1, “Modimo! Mathomong, Modimo,” Elohim, wa—wa go lekanela moka yo Motee, yo Motee a lego gona ka boyena. Abraham o Mmiditše, “Elohim.” Gomme O ile a dula fase gomme a ja le Abraham; A nwa; O be a le ka nameng ya motho. Gomme hlokomelang leswao le A le fago Abraham.

⁹⁵ Bjale, ba be ba lebeletše morwa yo a tlogo, morwa wa tshepišo, Isaka. Masomeditlhano a mengwaga, leetong le letelele, ba be ba le lebeletše, eupša ba be ba le mafelelong a leeto. Modimo o be a tšweletše ka dibopego tše ntši, bjalo ka ge A bile go kgabola mabaka a kereke, ka Dietšeng, le go ya pele, bjalo ka ge A boletše go Abraham, le ka mantšu. Eupša feela pele morwa yo a tlogo a fihla . . . Bjale re bile go se kgabola,

gomme le a tseba ke no itlwaetša, go tliša se go lena. Gore, O fetotše mmele wa Abraham le Sarah, ka pela ka morago ga se, gore ba kgone go amogela morwa.

⁹⁶ Elang hloko, leswao la mafelelo le ba bilego nalo, pele morwa a fihla, e bile Jehofa a bolela le bona ka sebopego sa monna. Gomme le ka mo ba tsebilego gore yo e be e le Jehofa, ka baka la gore O rile, "Abraham," e sego Abram. Feela matšatši a se makae pele, Modimo o ile a fetola leina la gagwe. "O kae mosadi wa gago, Sarah?" E sego S-a-r-r-a; eupša *S-a-r-a-h*, "kgošigatšana."

Gomme Abraham a re, "O ka tenteng, ka morago ga Gago."

⁹⁷ Gomme A re, "Nna," leo ke lešala mong, "Nna ke tla go etela go ya ka tshepišo ya Ka. Ka nako ya bophelo, matšatši a a latelago a masomepediseswai, selo se sengwe se ya go direga go Sarah."

⁹⁸ Gomme Sarah, ka tenteng, a myemyela ka go yenamong, gomme a bolela ka pelong ya gagwe, "Se se ka kgona go ba bjang, ka go bona gore ke tšofetše; gomme nka ba le mantsikinyane le morena wa ka, yoo le yena a tšofetšego, Abraham?"

⁹⁹ Gomme Morongwa, goba, Monna a re, "Ka baka la eng Sarah a bolela seo ka pelong ya gagwe?" Ka tenteng ka morago ga Gagwe! "Ka baka la eng a bolela dilo tše di ka se kgone go ba?" Le a bona? Monna ka nameng ya motho, bjalo ka moporofeta, go le bjalo E be e le Elohim a hlatha mogopolo wo o bego o le ka pelong ya Sarah, ka morago ga Gagwe.

¹⁰⁰ Gomme Jesu o rile, "Bjalo ka ge go bile ka matšatšing a Loto, ka fao go tla ba ka go tleng ga bofelo bja lefase, ge Morwa wa motho," e sego Morwa wa Modimo, "ge Morwa wa motho a tla utollwa."

¹⁰¹ Ga se gwa ke go biwa le yona go kgabola lebaka. Le bona go tšwela pele mo go phethagetšego fao ga Lengwalo? Mo re phela ka go yona. Diphiri: le sa kolobetšo Leineng la Morena Jesu, gomme go tloga go tšwa go kgopolo ya Botee; le dilo tše dingwe tše, ka fao Moya wo Mokgethwa o tlilego ka gare gomme wa e laetša ka go phethagala; le Kolobetšo ya therešo ya Moya wo Mokgethwa, Seka, le se sengwe le se sengwe, gomme wa e bea; le ka fao A beilego motsošološi yo mongwe le yo mongwe le se sengwe le se sengwe, feela tlwa. Gomme, re a bona, thwi pele ga mahlo a rena beng, ga e ka khoneng. E tsebja lefaseng. Jesu, Morwa wa Modimo, o ikutolla ka Boyena ka Mangwalo, go dira Lengwalo leo (leo le kgethetšwegopele go letšatši *le*, go swana le ge le be le le go letšatši *lela*, le ka moka matšatši a *mangwe*) le phele. Le go Le dumela, ke bohlatse bja Moya wo Mokgethwa.

¹⁰² Toko, o ka se kgone go bitša yeo go no "ya kerekeng" ke bohlatse bja Moya wo Mokgethwa. Ge o dira, gona bona

Bafarasei ba bile le Wona. Le a bona? O ka se kgone go bitša “šišinya goba go taboga” go ba. . . Ge o dira, bahetene ba na le Wona. Ge o re “go bolela ka maleme,” ke eng—ke eng go direla diabololo mo go sa bolelego ka maleme? Mpotšeng mo go tee.

Ngwanešu Jackson yo a dutšego mo wa Afrika, go tšwa Afrika, a ka kgona go le botša seo. Ke be ke le ka dikampeng tša Maindia mo, ka bona baloigadi le baloi ba itshega ka bobona, gomme ba tšhela madi a bona beng, gomme ba bolela ka maleme; gomme—gomme ngaka moloi e le hlatholla, gomme ke ba bone ba bea phentshele fase gomme a ngwala ka maleme a a sa tsebjego. Ka fao seo ga se Wona. Eupša ge e. . .

¹⁰³ Na bohlatse bja therešo ke eng? Jesu o rile, “Gore le dumela gore Ke nna Yena.” Gomme Yena ke Lentšu.

¹⁰⁴ Ka baka la eng ba se ba O hwetša? Ka baka la eng Bajuda ba se ba O hwetša? Ba be ba le banna ba go loka; ba be ba le banna ba ba lokilego; ba be ba le banna ba bakgethwa, gomme fao go le ka moka mehuta ya batho; eupša, go yo a kgethetšwego pele go kwa Lentšu!

¹⁰⁵ “Gomme o tseba bjang ge eba ke Lentšu? Yo mongwe le yo mongwe yo motee o bolela se.”

¹⁰⁶ Ke tshepišo ya Beibele e hlatselwa ya lebaka leo, fao ke wena, ka gona o tla morago moo Moya wo Mokgethwa o lego. Hlokomelang go lla ga Phalafala metsotsong e se mekae, seo E se begago. Phalafala, Phalafala ya Ebangedi, go bona yo a ka kgonago go E kwa. Elelwang, bao ba bego ba le ditoropongkgolo tša maboto ba be ba sa kgone go tla ka ntla ka ngwaga wa tokologo. Aowa, mohlomphegi. Ba be ba le mabotong; ba be ba dula fao. Go be go fedile; e be e le makgoba bophelo bja bona ka moka, gomme ba be ba swanetše go swaiwa. Bjale ge re bona ka moka diphethene tše, elang hloko.

¹⁰⁷ Bjale, ditiro tše, Maleaki 4, le ka moka tše, le Baheberu 13:8, “Jesu Kriste o a swana maabane, lehono, le ka gosafelego,” O dula ka gosafelego e le Lentšu, Lentšu le dirwa go bonagala. Seo ke tlwa se A se boletšego go baporofeta. *Moporofeta* ga a re feela “mmoni goba mmolella-pele;” o ra gore “moutolli wa Lentšu le le ngwadilwego.” Ka bopheleng bja gagwe mong, mediro ya gagwe mong, e utolla le go hlatsela Lentšu la letšatši leo; go swana le Noage a aga areka; Moshe tlase kua; eng kapa eng go feta; le tshepišo efe kapa efe, Lentšu le le tshepišitšwego la iri yeo.

¹⁰⁸ Bjale re a tseba gore O na le rena. Re dumela seo. Le bona Lentšu la Gagwe le dirwa go bonagala, ka dinepe, ka Mangwalo, ka dipego ka Legodimong, lefaseng, se sengwe le se sengwe gape A se boletšego. Ga go nako e tee se kilego sa feila. Ke botšiša motho mang kapa mang go ntaetša, go tšwa dikarolong tša go fapana tša naga, goba godimo ga lefase,

o—o tlamagile go nngwalela gomme o mpotše, moo nako e tee se kilego sa feila. Ka go phethega, lentšu ka lentšu, bjale, yeo ke tshepišo.

¹⁰⁹ Ka baka la eng A be a swanetše go tšwelela ka mo matsatšing a mafelelo? Ge le eya morago, gomme lena batheeletši ba theipi, go *Sehlaré Monyalwa*, le go tliša godimo moo Kriste a bego a le gona, Sehlaré sela se bego se le ka tšhemong ya Edene. Adama wa pele yo a welego; gomme Adama yo wa Bobedi o ripetšwe fase ke sebe. Ba ile ba Mo lekeletša godimo ga mohlare wa Baroma, gomme go tšwa go woo gwa tšwa...gwa tšwa Sehlaré Monyalwa seo A se tshepišitšego, seo re se bonago ka Mangwalong, bjale, gore a hwetše Monyalwa.

¹¹⁰ Go swana le phiramiti, ka fao e tlogo ka go se beng bontši nako ka moka, go tšwa go bophara bjo bogolo; go tšwa go Luther, Wesley, Pentecost, gomme ka gona leswikaseapešo godimo ga yona ke ntlha kudu, gomme le lengwe le le lengwe le letee la maswika ao a beilwe ka go phethagala kudu mmogo. Gomme ga re tsebe ka mo ba e dirilego, eupša le beilwe kudu ka go phethagala ka phiramiting yela! Eupša ga se rena baruta phiramiti bjale, re no . . .

¹¹¹ Henoge le bona ba e agile, mengwaga ya go feta, gomme e eme bjalo ka seka. Go no swana le letšatši le hlaba le go dikela; go no swana le ge mohlare o uša la wona—la wona letlakala, gomme la tla morago gape; bjalo ka hlapi, le mohlaphe, gomme se sengwe le se sengwe gape se a e swantšha. Phiramiti yela e ema bjalo ka seka.

¹¹² Eya ka kamoreng ya moporofeta gomme o bogele wona magato a šupa. Ke kae fao a bego—fao moletl a bego a kopana le tlhohlo go tliša yo a tlang ka bogoneng bja kgoši? Ntlhoreng ya magato; e be e le ka legatong la bošupa. Fao go laetša gore re swanetše go tla gape ka wona Moya wo o swanago wo o bego o le godimo ga Johane; o tsebešitše Mesia. O be a le yo mogologolo go feta ka moka baporofeta; o O tsebišitše. Gomme re swanetše go tla lefelong, gape, go selo se sengwe se se yago go tsebiša Mesia.

¹¹³ Gomme ka mokgwa mang Mesia...batho bao ba Mo dumelago ba ka se tsebago ntle le ge ba le ka Lentšung kgafetšakgafetša, go tseba se A lego sona! Daniele o rile, “Bahlalefi ba tla tseba; eupša mašilo, ba ba sego bohlale, ba ka se tsebe. Ba tla tseba Modimo wa bona.” Bjale, bjale, ka fao A tla tšwelelago ka matsatšing a mafelelo, ke go tliša batho morago ga Lentšu, gore Monyalwa a tsebe Monna wa Gagwe, a tsebe Mogwera wa Gagwe, Lentšu le le utolotšwego! Ke ka baka leo se se swanetše go direga.

¹¹⁴ E be e se batšošološi; e be e se ka go Luther, Wesley, le—le Mapentecostal, le bona. Lengwalo le re e be e se yona.

115 Eupša e tla tla. Yeo ke tshephišo ya Gagwe ya lebaka le. Re phela ka lebakeng leo go Tla ga Gagwe go tla bago ka gare. O swanetše gore a tsebje ka go Yena. Mosadi mang le mang o swanetše go tsebja le monna wa gagwe, ka gore bobedi ke batee. Gomme Monyalwa wa Kriste o swanetše go tsebja le Yena, ka gore bobedi ke Batee; gomme Ke Lentšu, e sego kereke ya leina. Lentšu! Re swanetše go ba bana ba Seetša, gomme Seetša ke Lentšu le le dirwago Seetša sa lebaka le. Re tseba bjang Seetša ntle le ge Se etla go tšwa go Lentšu? Ka moka gabotse. Lentšu le le dirilwego nama ke Seetša sa lebaka leo; ge o Le bona, gomme Beibele e boletše bjalo.

116 Bona batho ba ba bego ba lebeletše Jesu kua, gomme ba rile, “Go lokile, Monna yo, Yena ke Mang? Ka baka la eng, O tswetšwe, tswalo ya ka ntle ga molao tlase kua. Ka baka la eng, tate wa Gagwe le mmagwe ke *se*, *seo*, le se *sengwe*, le ka moka se fao.” Eupša ga se ba ke ba Mo tseba. Ge nkabe ba be ba tseba Mangwalo, nkabe ba Mo tsebile. O boletše bjalo.

Ba rile, “Re barutiwa ba Moshe!”

117 A re, “Ge nkabe le tsebile Moshe, nkabe le Ntseba, ka gore Moshe o ngwadile ka Nna.” Gomme ba sa fufetše kudu go E bona!

118 Le bona ka fao e kokobetšego? Kgole go tloga go dikwata, le dikereke tša maina, le dithutotumelo, le se sengwe le se sengwe. Modimo o sepeletše thwi ka nameng, ka sebopego sa Monna, Molopolodi wa Leloko.

119 O swanetše go tsebja le Yena. Re laletšwa go ba bana ba Seetša, gore re sepele Seetšeng.

120 Ke elelwa tlase ka Kentucky, mo e sego telele go fetile, ke bile le kopano. Ntle, ka morago ga ge ke tšwele ka kerekeng, gore fao go be go le mokgalabje a eme, a swere lantere ka seatleng sa gagwe. O be a le wa kereke ya go se dumele phodišong, le go ya pele. A re, “Ke—ke fapana le wena, Ngwanešu Branham.”

Ka re, “Go lokile, o na le tokelo ya go dira seo.”

121 A re, “O a bona, nka se ke ka amogela eng kapa eng ntle le ge ke e bona. Ke swanetše ke e bone, thwi mo molaleng.”

122 Ka re, “Gona a o kile wa bona Modimo, thwi molaleng, a eme pele ga gago?” Nnete, o be a sa dumele diponong le dilo.

A re, “Aowa.”

123 “Ka baka la eng,” ka re, “gona ga o modumedi, mohlomphegi. Nka se kgone go bolela le wena. Le a bona? Le a bona? Re bona se Modimo a se tshephišago gomme re swarelela go Seo.”

124 A re, “O swantšha seo bjang?” Ka re. . . A re, “Etla, eya gae le nna gomme o bolele bošegong bjo.”

Ka re, “Nka se kgone; go rata go dira. O dula kae?”

A re, “O ya ka kua ga thaba ye mo.”

125 Ka re, “O ya go fihla kua bjang? Ga o bone ntlo ya gago.” Uh-huh. Uh-huh. Ya. Ya.

A re, “Go lokile, fao go na le tsela ye e kitimago godimo ka kua ga thaba.”

Ka re, “Ga o bone tsela.” Uh-huh.

A re, “Go lokile, ke na le lantere.”

126 Ka re, “Lantere e ka se laetše seetša thwi godimo ga ntlo. Oo, aowa. Eupša tsela yeo e tla hlhla go ya ntlong. Eupša lantere yeo e tla laetša feela kgato e tee ka nako.”

127 Re tla sepela ka Seetšeng, Seetša se se botse; kgato e tee ka nako, Morena, re etla kgauswiwi go ya go Yena. Ya. Bana ba Seetša, ba amogela Lentšu la Gagwe, ba tšwela pele ba sepela gomme ba bogela mo go ntši go tatologa. Le se ke la Le tlogela, go sa kgathale gore yo mongwe gape o reng. Dulang thwi ka go Leo gomme le no tšwela pele le sepela le Lona, Le hlokomeleng le tatologa gomme le ikutolla ka Bolona. Lentšu ke Peu; peu ka go mohuta wa maleba wa mobu e tla tliša pele mohuta wa yona.

128 Elang hloko Kutollo 10:1 go ya go 7, ka moka diphiri di swanetše go utollwa go Monyalwa, ke motseta wa Kereke ya Laodikia. A yo mongwe o na le Beibele ya Revised Version? Ge o na le yona, o tla ela hloko fao mo e rilego, “morongwa,” ke ka lentšu le le okeditšwego go hlatholla le re, “ntšhu.” Le a bona? Uh-huh. Uh-huh. Le a bona? Motseta go—go Kereke ya Laodikia, le a bona, Kutollo 10:1 go ya go 7.

129 Gomme o boletše gore se... ka letšatši leo o Mmone a etla fase, gomme a ja puku ye nnyane. Gomme fao go be go le... “O beile leoto le tee lefaseng, le le tee lewatleng, gomme a ena ka Yena yo a phelang, le go ya go ile le go ya go ile, gore, ‘Nako e ka se sa ba gona.’” Gomme ge A dirile, Medumo e Šupa ya kwagatša mantšu a yona. Gomme ge Medumo ye Šupa e kwagaditše mantšu a yona, Johane o rile o be a le kgauswi le go ngwala. Gomme A re, “O se ke wa E ngwala.” Uh-huh. Le a bona? Gomme a Le tswalela.

130 Bjale, yo mongwe o rile, “Go lokile, Mahuto ao a Šupa, gona, Ngwanešu Branham, a tla utollwa ka matšatšing a mafelelo, sephiri se se itšego se segolo ka fao re tlogo kgauswiwi le Modimo?” Aowa, mohlomphegi, e ka se be.

131 “Mang kapa mang a ka tšeago Lentšu le tee go tšwa go Beibele ye, goba a oketša lentšu le tee go Yona, karolo ya gagwe e tla tšewa, Puku ya Bophelo.” Ke eng, ke kutollo ya se se timeditšwego morago kua, go tliša. E šetše e ngwadilwe Mo. E ka Mo. Ke go utolla se se šetšego se ngwadilwe. Le a bona? Ka baka la gore, o ka se kgone go oketša selo se tee go Lona, goba go tšea Lentšu le tee go tšwa go Yona.

132 Tema ya pele ya Kut...ya—ya Beibele, mathomong, Genesi. Mosadi yo motee ga se a se Le dumele, eupša o ile a

no le hlatholla ka go fošagala, o dumetše Sathane go hlatholla ka go fošagala go yena, lentšu le tee, “ka nnete.” Le a bona? Gomme ka gona, go tšwa go seo, go hlotše ka moka bothata bjo. Gomme yoo e be e le Modimo a bolela, Lentšu la Modimo.

¹³³ Gomme ka go tema ya mafelelo ya Kutollo, Jesu ka Boyena, Modimo yo a swanago, o rile, “Mang kapa mang a ka tšeelago Lentšu le tee ntle, goba a oketša lentšu le tee go Lona.”

¹³⁴ Ye ke kutollo ye e feletšego ya Jesu Kriste. [Ngwanešu Branham o phaphatha Beibele ya gagwe—Mor.] Gomme Mahuto a Šupa a be a na le diphiri di utilwe, tša gore ka moka E be e le eng; gomme e swanetše go E bula ka letšatšing la mafelelo, lebakeng la Laodikia, nakong ya mafelelo. Ditebogo di be go Modimo! Seo se fetša Molaetša go Kereke. Seo se a O fetša. Ge ba lebelela morago gomme ba bona se se bego e le sona, le go bona fao ka moka se o tlišitšego, seo se a O fetša, lebaka la Kereke.

¹³⁵ Bjale elang hloko diphalafala tše re bolelago ka tšona, ke go biletša mmogo e ka ba monyanya, ntwā, motho, letšatši le le itšego le lekgethwa, goba selo se sengwe sa go swana le seo. Elang hloko. Le re, “Bakeng sa motho?” Ya. Goba, bakeng sa ngwaga wa mogobo, go bega go tla ga tokologo, ge ba kgona go ya morago; bjale, re ka kgona go tšea moso wa go felela ka selo se setee seo feela. Eupša, bjale, go ya ka go diphalafala. Le na le bokamorago bjale, bja Mahuto le Kereke, bjale re ya ka go phalafala. Phalafala e llile, gomme phalafala e bega e ka ba ntwā, goba tšatši la monyanya. Goba, se e se rago, ke, “go kgobokanya mmogo ga batho,” *phalafala*.

¹³⁶ Paulo o rile, “Ge phalafala e efa segalo sa go se hlake, ke bomang ba ka itokišetšago ntwā ka bobona, goba khutšo, goba eng kapa eng e lego sona?” Ke mang a tsebagō? Le swanetše go tseba se phalafala e se llelago.

¹³⁷ Ka fao, ge phalafala e lla, re bona selo se sengwe lefaseng lehono. Fao go na le bothata bjo bogolo felotsoko. Yo mongwe le yo mongwe o a bo tseba. Yo mongwe le yo mongwe o tlile seemong sa bohlangya. Lefase lohle ke lefase la bohlangya, gomme re a tseba gore fao go selo se sengwe se fošagetše. Pentagon, mo gohle, re a tseba fao go selo se sengwe se fošagetše.

¹³⁸ Bjale, tselā e nnoši o tla tsebagō gore segalo sa phalafala ke eng, ke go lebelela seo Pampiring ya Mmino e se bolelago. Seo ke ka moka. Ke sinfone ye kgolo, le a bona, le morethetho.

¹³⁹ Go swana le, *Peter and the Wolf*, le a bona, ge o . . . ge . . . Gomme mo—mohlami o ngwadile puku, gomme molaodi o swanetše go ba ka moyeng wo o swanago wa mohlami. Ge a sa be, o fa morethetho wa go fošagala, gomme selo sohle se tšwele.

¹⁴⁰ Yeo ke ye e lego taba lehono. Re na le balaodi ba bantši ka go . . . e sego ka Moyeng wa Mohlami. Ba re, “Kereke ya leina, go lokile, re dumela se.”

141 Ga go kgathale gore o reng, Beibele e nepile. E rethethe go ya ka Pampiri ya Mmino thwi pele ga yona, gona sinfone ye kgolo ya tiro ya Modimo e bapala feela ka go nepagala, gona re kgona go bona iri le mo re emego.

142 Bjale elang hloko, phalafala ke ya go biletša batho mmogo, go ikgoboketša ka bobona mmogo bakeng sa selo se sengwe. Nako ye nngwe e be e bega motho yo bohlokwa.

143 Go swana ka Josefa, ba be ba letša phalafala, gomme Josefa o be a tšwelela; e lego se—seka sa “Phalafala ye Kgolo” ye re boletago ka yona, le go ya go yona ka morago ga lebakana, ka go Jesaya. Yeo e rego, “Ge Phalafala ye Kgolo e lla, ge leswao lela le tla phagamišetšwa godimo, godimo kua; gomme ka gona fao go tla tla nako ye Phalafala ye Kgolo e tla letšwago, gomme ditšhaba ka moka di tla kgobokana Jerusalema.” Fao ke ge Miliniamo o thoma; Phalafala ye Kgolo.

144 Bjale, pitšo ye, ya monyanya wa diphala-fala, go batamela ga selo se sengwe. Elang hloko Kutollo 8:7, ge le nyaka go ngwala fase. Re ela hloko Phalafala ya Pele, fao go phatlaletše sefako, madi, mollo, godimo ga lefase; feela tlwa le Ekisodo, ge Modimo a be a biletša batho ba Gagwe ntle, ba ekisodo.

145 Bjale, lebaka leo Diphala-fala tše Šupa tše di sa rego Kereke ye le lebaka le, ke ka baka la gore ke go Israele feela. Ke go bitša, ga go kgobela batho. Gomme bjale fao go bohlokwa bjo botee feela ka mo bjo ke nyakago le fihla go bjona, metsotsong e se mekae, ka fao le tlogo go bona gore ke ka baka la eng se se sa re go lebaka le re phelago ka go lona; Diphala-fala tše Šupa.

146 Ke a tseba batho ba bantši ba fapana le seo, eupša ke a tseba ke se. Ke a se tseba. E sego ka baka la gore ke bolela gore le a se bolela; ka baka la gore, ga se ka se hwetša go tšwa go nnamong. Wa ka—wa ka mogopolo ga se ka mong. Eng kapa eng e lego Sona seo se mpo-ditšego, ge Se fošagetše, gona se fošagetše. Eupša ga ke se bolele ka bonna mong, ke bolela ka se yo Mongwe gape a se boletšego. Yo Mongwe yoo gape ke Modimo yo a boletšego go rena le go dira ka moka dilo tše tšeo A di dirilego, le go tšwelela, le a bona, ka fao ke a tseba ke therešo.

147 Go—go kgobokanya ga Israele ke Diphala-fala. Diphala-fala ke go kgobokanya Israele. Elang hloko, gona go lla ga Phalafala ya Pele; madi, mollo, sefako, le se sengwe le se sengwe, se phatlalala fase. Le a bona? O be a dira eng? A ntšha Israele go tšwa go Egepeta ya semoya, le a bona, morago go ya go nagalegae ya gagwe.

148 Bjale a ke bolele se thwi mo, gore, Phalafala ye nngwe le ye nngwe ye ya go lla, e llile ka tlase ga Lehuto la Boselela. Re tla tla go lona metsotsong e se mekae, fao re swerego Lehuto moo. Ka moka Diphala-fala di llile ka tlase ga Lehuto la Boselela.

149 Ka baka la gore, Lehuto la Bošupa, fao go bile setu. “Ga go yo motee a tsebilego; yeo e be e le motsotso goba iri ye Kriste a bego a etla,” bjalo ka ge A e utolotše go rena.

150 Eupša Phalafala ye nngwe le ye nngwe e galagetše ka tlase ga Lehuto la Boselela, ka tlase ga tlaišo ya Bajuda. Elang hloko, Kutollo bjale, 8, gomme go thoma ya 7 temana. Ka moka e be e le go biletša Israele ntle, tlhago, ka Egepeta; bjale ke go biletša Israele ntle, ka kgopolong ya semoya. O be a ba dira gore ba lokele go tla monyanyeng wa Poelano.

151 Elang hloko, monyanya wa diphlafala o be o le pele, wo e bego e le pentecost. Monyanya wa poelano o be o o latela, matšatši a masometlhano ka morago. Monyanya wa poelano, baleng mo. Re tla, go molaleng, ge re na le nako, re tla šupa go wona gomme ra o bala go lena go tšwa Beibeleng, mo ka go Lefitiko 12, bjale, goba Lefitiko 23, ke ra gore, le Lefitiko 16. Re hwetša gore wa pele e be e le monyanya wa—wa diphlafala. E be e le poelano le...ka morago ga wona gwa latela pentecost, bjale re a hwetša...Monyanya wa poelano o be o latela monyanya wa diphlafala.

152 Bjale elang hloko, Phalafala e be e lla, gomme yeo e be e le go ba kgobokanya mmogo. Bjale, Phalafala ya Pele e leditšwe, fao go bile sefako, madi, mollo, wa gašwa godimo ga lefase, feela tlwa go swana le ka fao go bilego ka Egepeta, go dira go lokišetša go ba biletša go Letšatši la Poelano. Le a bona? Ba ganne Poelano ya therešo. Gomme mengwaga ye e telefaleditšwe go kgabola mo, e be e le ngwaga wa pentecost. Le a bona? Bjale go lletša Bajuda go tla go latela.

153 Mo e be e le go biletša ntle Kereke. Hlokomelang sekgauswi ka nnete. Bjale, e lego, ka morago ga fao, O ba tšeeše go ya nageng ya tshepišo; e lego se A tla dirago selo se se swanago, ka go, ka seka, O tšea Kereke go ya nageng ya tshepišo.

154 Elelwang, Phalafala ye nngwe le ye nngwe e llile ka tlase ga Lehuto la Boselela, feela nako yeo ge e llile.

155 Elang hloko bjale, tlwa, tšwetšo pele ya Lengwalo, tlwa go swana. Ka tlase ga Phalafala ya Bošupa, ke go Israele go swana le ge Lehuto la Bošupa e be e lego Kereke. Re a hwetša, ka tlase ga Lehuto la Bošupa, gore ge disoulo tše tšeo di bego di le ka tlase ga aletara kua, tšeo tša go amogela diaparo...Ba ile ba fiwa diaparo, e se gore ba di thopile, ka baka la gore ba be ba le ka lebakeng ge Modimo a be a sa šoma ka mogau le Bantle, e sego Bajuda. Israele e phološwa bjalo ka setšhaba. Modimo o šoma le Israele bjalo ka setšhaba. Bantle ke “batho ba Leina la Gagwe,” e sego setšhaba sa Leina la Gagwe. Israele!

156 Gomme ge Hitler le bona ba tlaiša Bajuda, gomme ba dira dilo tše ba di dirilego ka tlase ga leo; lebelelang, ba, Stalin, Hitler, le ka moka babušanoši bao ba ile ba tsoga. Ge nkabe re bile le nako, ya, go e bušetša go bosetlaboswana, eupša

re ile go e kgabola. Ka tlase ga lebaka leo le le swanago, leo le bego le le ka Germany le—le ka moka ditšhaba tše dingwe, Bajuda ba šwalalane go kgabola ntle ka moka naga. Eupša fao go ile gwa swanela go tsoga, mo mengwageng ya mafelelo ye masomepedi, tlaišo ya go galaka kgahlanong le Bajuda.

¹⁵⁷ Ke be ke le ntle kua ka mafelong a kgale mo ba go tšhuma mebele ya bona, le go ba fiša, gomme ba šomiša. . . ba šomiša melora ya bona go nontšha mobu, bana ba Bajuda, le basadi, le se sengwe le se sengwe. Ka gona ba leka go e gana; ka ba tšeela thwi ntle le go ba laetša mo ya go dirwa.

¹⁵⁸ E bile tlaišo ye e galakago kgahlanong le Israele, ka baka la gore e be e le nako e mmiletša morago bjale go Poelano. O sa le ka tlase ga poelano ya kwana ya tlhago. Kwana ya nnete ya Modimo ke Poelano, gomme o E ganne, gomme Madi a bile godimo ga gagwe e sa le go tloga fao. Elang hloko, go dira batho go lokela! E phethagetše bjang gona Phalafala ya Bošupa le Lehuto la Bošupa, ka go phethagala mmogo, tlaišo ya Bajuda.

¹⁵⁹ Hlokomelang, ka go Kutollo ya 9 tema le ya 13 temana, bjale elang hloko sekgauswi ka nnete, ka tlase ga Phalafala ya Boselela. Kutollo 9:13, ka tlase ga Phalafala ya Boselela, hlokomelang, fao go be go le dikete tše makgolopedi a banna ba dipere bao ba bego ba tlemilwe ka nokeng ya Eforate, ba ile ba tlemollwa ka tlase ga Phalafala ya Boselela. Bjale fao ga se dikete tše makgolopedi tša banna ba dipere lefaseng; eupša fao go be go le dikete tše makgolopedi tša banna ba dipere. Elang yona hloko. Ke nyaka gore le e ngwale fase, gore le kgone go e bala.

¹⁶⁰ E be e se dipere tša tlhago. Di be di hema mollo, gomme di be di na le sephema sefega sa jaspere, gomme—gomme di be di na le mesela. Gomme mafelelo a mosela a be a lebelelega bjalo ka serpente, hlogo ya noga mafelelong a wona, go tsetsemetša. Le a bona? E be e le dipere tša semoya, bodiabolo ba semoya, bahlasedi, ba ba bego ba tlemilwe ka Eforate ka moka mengwaga ye, bodiabolo ba ka godimo ga tlhago. E be e le eng? Mmušo wa Roma wa kgale o tsošeletšwa; tlaišo ya Bajuda. Ba be ba tlemilwe e ka ba mengwaga ye dikete tše pedi, nokeng ya Eforate, ba sa kgone go tshelela go tshephišo; tumelo ya bodumedi ye e bego e leka go ya ka lehlakoreng le lengwe. Eforate, le a tseba, e tla go kgabola Edene. Eupša ba be ba tlemilwe fao, bodiabolo ba dikete tše makgolopedi ba tlaišo.

¹⁶¹ Gomme hlokomelang se se diregago ka tlase ga Phalafala ya Boselela. Ba ile ba tlemollelwa godimo ga Bajuda; tlaišo ya Bajuda. Bodiabolo ba ka godimo ga tlhago, e ka ba mengwaga ye diketepedi, ka gona ba tlemollwa ke Stalin, Hitler, godimo ga Bajuda. Le re, “Go lokile, yeo ga se Roma.” Ke moya wo o swanago. Ba dirile dilo tše di swanago ba di dirilego go Bakriste, ka go matšatši a Roma ya kgale ya bohetene. Bjale hlokomelang Israele ya tlhago, le Kereke ya semoya bjale, ge re e aroganya mo. A tlemollelwa godimo ga Bajuda.

¹⁶² Le a elelwa, ka tlase ga Lehuto la Boselela, ka fao yo mongwe le yo mongwe wa bahwelatumelo bao, go ya—go ya ka Lentšu la Modimo, o amogela diaparo. E filwe go bona ka mogau, ka baka la gore ba ile ba fofatšwa gore ba se kgone go bona Ebangedi ya bona, gore batho ba ba biletšwa mo—Monyalwa go tšwa go Bantle. Ba ile ba fiwa diaparo, Beibele e a bolela mo, ka tlase ga Phalafala yela. Bona Bajuda, bao ka go felela ba lego kgahlanong le Kriste le se sengwe le se sengwe; le baka leo ba lego, ke ka baka la gore Beibele e boletše gore ba fofaditšwe. Gomme ba fofaditšwe ka lebaka la lena. Gomme Modimo wa toko o a tseba gore ba tla E amogela, eupša ba fofaditšwe ka lebaka la lena. Beibele e boletše bjalo.

¹⁶³ Fao ke mmušo wola wa Roma, o tlemilwe fao ke (eng?) maatla a bokereke. Moo, Roma, Roma ya bohetene e bilego Roma ya bopapa, gomme e be e tlemilwe kua ka go ditšo tša yona tša Bokriste. Karolo efe ya Bokriste, le—le ditumelophapogo tše e bego e na le tšona tša Roma di beago mmogo ka moka tše; borapedi bja basadi, le ka moka mehuta ye ya dilo, le matšatši a Khirisemose, le matšatšikgethwa, le matšatši a makgethwa, le dilo. E be e tlemilwe ka setšo seo sa kgonego go se tlemolla, ka baka la gore se kgahlanong le melao ya motheo ya Bokriste. E sa le wa bohlokamodimo, moya wa bohetene! Gomme moya woo o swerwe ka ditšhabeng tša lefase, go ya ka diporofeto tša Hesekiele le ba bohle ba bangwe ba bona.

¹⁶⁴ Gomme ba ile ba tlemollelwa godimo ga Mojuda, yo a sa tsebego selo ka Moya. Fao go diphiri tša gago tše di utilwego ka tlase ga Lehuto lela fao. Le a bona? Le e eleng hloko. Re ile go le kgabola. Gomme ke tla le laetša Phalafala ye mo, Phalafala ye ya mafelelo, se se diregago. Di fao. Diphalafala tše di tlemolotšwe godimo ga Bajuda, (a ga le bone?) e sego godimo ga Bantle. Bantle, ge wona Mahuto a bulwa, ba tswalellwa go tloga; nako e fedile; Kereke e a bitšwa.

¹⁶⁵ Le elelwa pono letšatši le lengwe? Le elelwa re- . . . ponopele ya yona? Ke ba bakae ba elelwago, Lamorena pele ga la go feta? Ka fao e bilego tlwa fao, e tla go feta. Re e bone, tlwa, re bone seo sa ditšhila, sa bohlaswa selo se etla godimo, sa go bitšwa kereke, tšhilafalo ya phetelela. Gomme Monyalwa yo monnyane yola, wa setšhaba se sengwe le se sengwe, yo mongwe le yo mongwe yo motee wa bona a apere go swana le setšhaba sa bona se ba tšwago go sona, feela ka go phethagala ba sepela pele ga Morena.

¹⁶⁶ Le ele hloko, fao go tla ba nako, nako ye nngwe, ge ba tla re, “Go lokile, ke be ke gopola gore Kereke e be e swanetše go tloga pele ga tlaišo. Ke be ke gopola gore fao go be go le Tlhatlogo.”

“E šetše e fetile gomme ga se wa e tseba.”

Seo ke se A se boletšego ka Johane nako ye nngwe, le a tseba.

167 Ba re, “Bjang, ka baka la eng baporofeta ba bolela gore . . . bamangwalo, gore Eliase o swanetše go tla pele?”

168 A re, “O šetše a tliile.” Gomme le barutiwa ga se bake ba e tseba. “Ba dirile go yena se ba se ngwadilego.”

169 Tlhatlogo e tla ba ka tsela ye e swanago. Ka go—ka go iri. . . O tshephišitše go dira seo. Ga se a ke a tshephiša go laetša Eliase ka mokgwa woo, eupša O tshephišitše go tšea Monyalwa ka mokgwa woo. “Ka iring yeo le sa naganego,” go no fetoga, ka nakwana ka go panya ga leihlo, a tšeelwa go tloga. Nako yeo o a tlogelwa, ka gona yeo ke nako!

170 Mengwaga ye dikete tše pedi, moya wo ka batho ba Roma, kereke ya Roma, o be o sa kgone go sepela. Eupša moya wo o swanago o tliile godimo, la pele, tlase kua ka go Mussolini ka Roma, mmušanoši. Le tseba tše tlhano. . .

171 O ntaeditše dilo tše šupa, ka '33, di tla tla go feta. Tše tlhano tša tšona di šetše di fetile. Ngaka Lee Vayle o ngwala puku ka yona bjale. Le a bona? Dilo tše tlhano, ka go phethagala, gomme feela dilo tše pedi gape go direga. O rile, “E tla direga feela pele ga go Tla.” Re mo thwi mafelelong bjale, gomme go bonala o ka re selo sela sa boselela se sepelela godimo. Le a bona? Ka go phethagala, tlwa, le dintwa le ka fao di tla diregago, tlwa godimo ga kolwana, gomme ga go nako e tee e kilego ya foša.

172 Theetšang, setšhaba, re swanetše go inyakišiša iri ye nngwe le ye nngwe. Ga le tsebe mo re emego. Kgauswi ka nnete!

173 Bjale, bjale o tlemolotše, godimo, ka tlase ga Lehuto la Boselela, matimone a semoya a a dikete tše makgolopedi, a thomile ka Roma, Germany, Hitler. Gomme elang hloko ka kua ka Beibeleng, moo ba amogetšego, le gatee. . . Ba amogetše maatla bjalo ka dikgoši, eupša ba se rwešwe korone. Mmušanoši ga se kgoši ye e rwešitšwego korone; o no amogela maatla bjalo ka kgoši.

174 Oo, Moya wa Modimo o no sepela go kgabola nna bjale, le a tseba, o no bolela selo se sengwe. Ga ke tsebe gore nka se bolela bjang, goba go bolela eng, gomme mohlomongwe bokaonekaone ke se ke.

175 Elang hloko, tše pedi dik- . . . matimone a dikete tše lekgolo a tlemolletšwe godimo ga Bajuda bao, ge ba ba tšhuma, ba ile ba ba bapola. Ba ile ba bea dipue ka ditšhikeng tša bona. Ba ba bolaile, go fihla ba se sa na le gase ye nngwe ya go ba bolaya ka yona. Gomme ba ba thunya, go fihla ba se sa na le dikolo tša go thunya ka tšona. Gomme ba—gomme ba dirile se sengwe le se sengwe ba bego ba kgona go se dira. Ba fišitše mebele ya bona, le se sengwe le se sengwe; le go lekeletša godimo ga magora, bana le ka moka, batho ba go hloka molato. Ka baka la gore e be e le Bajuda, ba dirilwe ka tsela yeo. Eupša Modimo o rile

O file yo mongwe le yo mongwe yo motee wa bona seaparo, ba hloka maswanedi ka fao ba bego ba le ka gona; eupša mogau wa Gagwe go ba fofatša gore re kgone go bona.

¹⁷⁶ Lehuto la Bošupa ga se la bulega le bjale, le a tseba. Moo ke go Tla ga Gagwe.

¹⁷⁷ Ka fao ge ba sa le ka tlase kua, eupša, O a re laetša mo, ka go ponopele. Bjalo ka Johane, O mo tšeetše godimo.

¹⁷⁸ Gomme nako ye nngwe, a sepela lewatlang, le a tseba; a re, “Go reng ka monna yo a ithekgilego sefeng sa Gago?”

¹⁷⁹ A re, “Ke eng go lena ge a dula go fihla Ke etla?” Le a bona, ga se ake a dula, eupša O mo tšeetše godimo gomme a mo laetša seo, selo se se diregago go fihla A etla. O nno mo laetša, bušetša gape polane yohle go Johane.

¹⁸⁰ Elang hloko, re a hwetša bjale gore maatla ale a tlhago ka fase ga tlhago, go setšhaba sa tlhago, Israele, a tlemolotšwe kua. Gomme ke eng se e se dirilego? E ile gomme ya dira ntwa, le ka fao ya go bolaya le go tlaiša.

Bjale ka sekgaong sa bokereke sa wona! Ke . . . a le . . .

¹⁸¹ Ke a holofela gore Modimo o bula mahlo a lena go bona se bjale. Ka baka la gore, ke a lemoga gore ga se ga e no bolela go kereke ye mo. Theipi ye e ya lefase ka bophara. Ga se maikemišetšo go kweša maikutlo a yo mongwe bohloko, eupša go no bolela Nnete.

¹⁸² Bjale sekgoa sa bokereke se butšwe, go tšwa go tsošetšo ya tlhago Roma ya kgale ya bohetene, se ile pele godimo ga Bajuda bao, ye e bego e le lenaba la bona ka mehla. Tau, ka meno le se sengwe le se sengwe, e tibile fase le go roba batho. Roma, ka mehla e be e le lenaba la Modimo! Gomme e tlemolotšwe ka moyeng wo o swanago, ke babušanoši ba lefase, ka baka la gore tshapedišo ya bodumedi e be e sa swere. Bjale e tlemolotšwe.

¹⁸³ E dirile eng? Ka “bohlale,” bjalo ka ge A boletše, o tlike bjalo ka bofora. Gomme o dirile eng? O tliša Khantshele ya Mohlakanelwa ya Porotesetante ya Dikereke tša Lefase, moya wa molwalekriste godimo ga tšona mmogo, go ba tliša tlhabong, go no swana le ka fao ba dirilego ba bangwe, ka iring go bitša Monyalwa. Bjang? Go tlemolla moya wa kereke wa bokereke. Tlemollwa godimo ga eng? E sego godimo ga dikereke tša maina; godimo ga Monyalwa! Eupša mo le tla o hwetša, Monyalwa a ka se ye go kgabola nako yeo. Beibele ga e bolele. Kereke e tla dira, eupša e sego Monyalwa. A ga le kgone go bona? Badiredi, ga le kgone go bona seo, baena?

¹⁸⁴ Le re, “Kereke e swanetše go ya go kgabola tlaišego, bakeng sa—bakeng sa phethagatšo ya Yona.” Madi a Jesu Kriste a phethagatša Monyalwa.

¹⁸⁵ Monna yo a kgethago mosadi ga a mmee go kgabola kotlo ye ntši; o šetše a hweditše mogau, gape, le yena; mosadi o

hweditše mogau le yena. O—o beeletša go yena. Gomme, ge fao go le eng kapa eng, o tla mmoloka go tšwa go lefelo le lengwe le le lengwe go retolla seatla sa gagwe. Mogau wa gagwe ke wo mogolo kudu godimo ga bona.

¹⁸⁶ Gomme ka fao o tla ba godimo ga Monyalwa, gomme ka fao ke wona godimo ga Monyalwa. Rena dibopša tša go hloka maswanedi, tša go swanela hele, eupša mogau wa Gagwe o re swara go e kgabola. Lebelela gore ke ba bakae ba lahlegilego le go fofala! Ke ba bakae, ke ba bakae badiradibe ba ba bego kua lefaseng, iri ye ke phološwa! Modimo o mphološeditše morero; gomme ke ikemišeditše, ka thato ya Gagwe, go dira morero woo. Ga ke kgathale gore se sengwe le se sengwe gape se a ya; ke nyaka go e dira.

¹⁸⁷ Gomme ka iring ge ke bona dikereke ka moka, maatlakgogedi a tšona a magolo, “le go huma, le go se hloke selo,” di re; le go di bona, di hlomola pelo, di a šokiša, di fofetše; ka gona di go phaphatha ka magetleng, di nyaka gore o itšimeletše le bona. Ke belegetšwe morero, le gore ke ahlole selo seo le go biletša ntle. Se ke a se dira.

¹⁸⁸ Elelwang, ge Jesu a tlile lefaseng, fao go be go se setee lekgolong la batho lefase ba kilego ba tseba gore O be a le mo. O tla go tšea sehlopha sela se kgethilwego. O rile, “Ga go motho yo a kgonago go tla go Nna ntle le ge Tate wa Ka a mo gogile. Gomme ka moka ba Tate a,” lebaka le le fetilego, “mphilego bona, ba tla tla. Ba tla le tseba. Ba tla Le kwa.”

¹⁸⁹ Elang hloko go tlemologa ga moya wo wa bokereke. Bjale mengwaga ye masomepedi moragorago, ka morago ga ntwae yeo, re bona go tlemologa ga moya wa bokereke. Ka tlase ga eng? Lehuto la Bošupa; Phalafala ya Bošupa go Mojuda.

¹⁹⁰ Lebelelang ngwedi o fifala. Ka tlase ga eng? E boneng e thalwa, Morwa motho a rakwa go tšwa kerekeng.

¹⁹¹ Ke eng? Go tšoenana le sehlopha sa bokereke. Wa—wa mohlakanelwa mosepelo, le Khantshele ya Dikereke tša Lefase, e rakile monna yo mongwe le yo mongwe. . . Na selo seo se emela eng? Ka baka la eng, o swanetše go neela ka moka dithuto tša gago tša boebangedi le dilo. “Babedi ba ka sepela mmogo bjang ge e se ge ba dumellana?” Ba ka se kgone. Jesu o rile ba ka se kgone. Gomme kereke e ka kgona bjang, Methodist le Mabaptist ba sepela mmogo? Church of Christ e ka kgona bjang go sepela le Mapresbyterian? Katoliki e ka kgona bjang go sepela le Porotesetanta? Porotesetanta e ka kgona bjang go sepela le Porotesetanta?

¹⁹² Eupša Monyalwa a ka kgona go sepela le Lentšu, e lego Kriste. E swanetše go ba ka tumellano. E sego tshepedišo ya bokereke; eupša Lentšu. O swanetše go dumellana le Lentšu, go sepela le Lentšu. Jesu o boletše bjalo. Seo se a e lokiša.

193 Elang hloko, a šole bjale. O tlemolotšwe, go bitša ka moka mafelelo a a tlemologilego, “Oo, go lokile, ga go dire phapano ye e itšego, go le bjalo.”

194 Seo ke se Sathane a se boletšego go Efa, “Ga e dire phapano ye e itšego. Ka moka go gabotse. Nnete, Modimo ke Modimo wa go loka. O re rata ka moka.” Ga a dire.

195 Le kwa mo go ntši ka Yona go ba Modimo wa go loka. Ke Modimo wa go loka, eupša, ka go ba wa go loka, O swanetše go ba wa toka. Fao ga go go loka ntle le toka. Fao ga go toka ntle le molao, ntle le kotlo, kotlo. Ka fao re ka iring yeo, ye re phelago ka go yona.

196 Elang hloko, ka pela, bjale, matimone a a ka godimo ga tlhago. Ka gona, ka tlase—ka tlase ga tlhokomelo ya Setšhaba Kopano, dihlopha tše di kopanego mmogo, Bohlabela le Bodikela.

197 Go no swana le leoto la go ja le la ngele la seswantšho seo Daniele a se bonego, ka fao ba ka se dumelelanego le go tswakana o tee le yo mongwe. Gomme lentšu Eisenhower, nakong yeo... *Eisenhower* e ra gore “tshipi.” *Khrushchev* e ra gore “letsopa.” Gomme o ile a rola seeta sa gagwe gomme a se itia [Ngwanešu Branham o kokota godimo ga phuluphiti—Mor.] godimo ga teseke...ge Liki ya Ditšhaba, goba D...ka go DK Khrushchev o dirile, a tloša lerole...Oo, nna! Iri ye re e phelago! Kereke le boemo bja yona!

198 Eupša, tebogo go Modimo, Monyalwa yo monnyane o itokišitše ka Boyena. Ga se botelele. E nong go swarelela. Go ka se be botelele. Ga ke tsebe gore botelele bjo bokae, ga ke tsebe gore neng; ga go yo a tsebago seo. Eupša re a tseba e kgauswi bjale, ka nnete.

199 Hlokomelang bokereke. Hlokomelang yeo, tlhago, se e se dirilego go bona Bajuda. Bao e be e le batho ba ba bego ba swareletše go melao ya Modimo. Ga go tshwenye gore go tsoga kereke tše kae, eng gape, ba be ba fougaditšwe go Kriste, gomme ba swareletše go molao wola. Gomme Modimo a ba fa diaparo, yo mongwe le yo mongwe yo motee wa bona, ka baka la gore ba ile tlase ka go bohwelatumelo. Le a bona? Ba—ba... Ba ile ba fougatšwa bakeng sa rena.

200 Mo bjale, Kereke, yeo e sa tsebego selo eupša Beibele. Go sa kgathale ka tshepišo ya bokereke, kereke ya leina, ga ba tsebe selo ka yona. Ka moka ke tše šele go bona. Ba a Mo tseba, gomme Yena a nnoši.

201 Batho lehono ka mokgwa wo mongwe ba swana le ka mo Petro le bona ba bego ba le, godimo ga Thaba ya Phetogelo. Ka moka ba ile ba tsikinyega ge ba bona tiro ya ka godimo ga tlhago, gomme yo motee a re, “Re tla dira kereke ye tee ya—ya baporofeta, le ye tee go Moshe.”

202 Gomme ye ke tsela ye batho, Mapentecostal ba dirilego. Ba ile, “Re tla dira ye tee, Assembly of God; le ye tee, kereke ya Modimo; le ye tee, Oneness; le ye tee, Twoness,” le go ya pele ka mokgwa woo.

203 Eupša ge a sa bolela, Jehofa a goelela, “Yo ke Morwa moratwa wa Ka,” Yo e lego Lentšu, “ekwang Yena!” Le a bona? Yena ke Lentšu.

204 Iri ye re e phelago, ya bokereke, ya go kopanya memoya mmogo bjale le go e tliša ka moka go tlhabelo ye tee ye kgolo ye, go tloša. E šetše e ngwalwa mo, ka setšhabeng se bjale, gore dikereke tše di swanetše go tswalelwa ge e se ge le na le mokgatlo. Ke yunione, ke dikiletšo, go no swana le leswao la sebata.

205 Gomme bjale le bona se sebata e lego sona, a ga le dire? Ke maatla. Gomme maatla, maatla a bokereke, Jesu o rile, “E tla ba kgauswi kudu go swana le selo sa nnete, e tla fora le bona Bakgethiwa ge go kgonega.” Eupša O tshepišitše go ba le selo se sengwe mo sa rena ka letšatšing leo, gore re ka se forwe, gomme seo ke Lentšu, le Kriste go Le dira le bonagale go rena. Ke ba ka godimo ga tlhago, bodiabolo, ba go se bonwe go leihlo, eupša le ka kgona go bona tše ba di dirago. Le a bona?

206 Elang hloko, ge sehlopha seo se otlela, ba dira ka bobona go lokela go gatela ka ntle selo se sengwe le se sengwe seo se ka se dumelelaneng le bona, fao go na le sehlopha se sengwe se se dirwago go lokela, ka morago ga lebakana, Kutollo 19. Nako ye e latelago Kereke e kwewago, O a tla, le yena, e sego godimo tlwa ga dipere, eupša Beibele e rile, “O be a le godimo ga pere ye tšhweu, gomme madira a Legodimo a be a Mo latela godimo ga dipere tše tšhweu.” Yeo ke therešo?

207 Mola sehlopha se tlase mo se na le dikete tše pedi di tlemilwe nokeng Eforate, gomme ba tlemilwe mengwaga ye dikete tše pedi, gape kereke yela e tlemile Moya wo Mokgethwa e ka ba mengwaga ye dikete tše pedi, ka tlase ga bahwelatumelo morago kua, le ka tlase ga mabaka a kereke. E be o tlemilwe, e sego nokeng ya Eforate, eupša mojakong wa dithutotumelo le dithutotaelo, go fihla Moya wo Mokgethwa o sa kgone go šoma ka kerekeng ka baka la ditshepedišo tša madirwa ke motho. Eupša O ya go lokollwa, O tla morago, seo ke se Beibele e se boletšego. Gomme ba babedi bao ba kopana yo motee le yo mongwe lepatlelong la ntwā, Lusifa le Mikaele gape, go swana mathomong. Ba be ba tlemilwe e ka ba mengwaga ye dikete tše pedi, e nyaka, e nyakile go ba mengwaga ye dikete tše pedi.

208 E sego tlwa dikete tše pedi, ka baka la gore Baroma ba tšwetše pele ba eya, Tito ka A.D. 96, le go ya tlase ka mokgwa woo, go bolaya Bajuda. Baroma! Ke mang a bolailego Bajuda? Tito e be e le mang? Mogenerala wa Roma. Madi a eleletše ka ntle ga dikgoro tlase kua, go fihla . . . oo, gomme a ba gagara,

basadi, bana, le se sengwe le se sengwe. A Hesechiele 9 ga se ya re ba tla dira seo? “Eya go kgabola bogare bja toropokgolo gomme o bee leswao godimo ga batho ba ba fegelago le go lla,” mo—Moya wo Mokgethwa. Le ka moka ga bona, “mohlabi a etla pele,” ba ba tlogo go be ba tlamilwe; go ba swara, go ba swara, go fihla ba ile pele le go gagara se sengwe le se sengwe seo se bego se le ka moo. Basadi ba bannyane, basadi, bana, masea, le se sengwe le se sengwe gape, ka moka ba ile ba gagarwa. Tlwa.

²⁰⁹ A še gape, e a ipoeletša. Gomme tlwa še tshepedišo yela ya bokereke e tla thwi morago, pipa sepipamoya, e gatakele se sengwe le se sengwe se se bitšwago Modimo. Oo, ba na le ditshepedišo tša bona, le mekgatlo, le dikereke tša maina, eupša seo ga se na le selo go dira le Beibele. Ba tla go botša ka pela gore ebile ga ba dumele go Yona. Eye, mohlomphegi. “Bolela se kereke e se boelago.”

²¹⁰ Ke se Modimo a se boelago! Leo ke Lentšu. Monyalwa o na le Mantšu; ke Batee. Ba ka kgona bjang go ba Batee? Ge Lentšu lela, le le ngwadilwego ka Kua, le etla ka go wena, gomme le dira—le dira wena le Lentšu go tla go ba Batee. Seo ke tlwa se A se tshepišitšego.

²¹¹ Ka gona, Le a hlatholla. Modimo ga a nyake mohlatholli. Ba re, “Go lokile, re Le hlatholla ka mokgwa wo.” Ga le na le tokelo ya go hlatholla selo. Modimo o dira tlhathollo ya Gagwe Mong. Modimo o rile, “Fao a go be seetša,” gomme fao gwa ba seetša. Ke mang a hlatholotšego seo? O rile, “Kgarebe e tla ima,” gomme e dirile. Seo ga se nyake mohlatholli yo a itšego; se šetše se hlathollotšwe. Modimo o rile dilo tše di tla direga ka letšatšing le, gomme e bjalo. Ga le nyake tlhathollo. Le itlhatholla ka Bolona. Oo, nna!

²¹² Kutollo 9:1, ka tlase ga Phalafala ya Bohlano, kgoši ya bona. . .Elang hloko, Kutollo 9:1 bjale, kgoši ya sehlopha se segolo se sa dipere tše dikete tše makgolopedi. Ba be ba na le kgoši godimo ga bona, gomme, ge re ela hloko, e be e le naledi ye e welego. “Ka baka la eng o wele go tšwa legodimong, O Lusifa?” O, ka fao Ngaka Smith a bilego le seo se nno tlhatlharampetšwa godimo moo, eupša, ka moka gabotse, le a bona, e be e se sa iri ya gagwe. Le a bona? Ka moka gabotse. “E be e le sekoti sa go hloka bofase; kgoši ya bona e be e le kgoši ya sekoti sa go hloka bofase.”

²¹³ Kutollo 17:8. Ke ngwadile selo se sengwe fase mo. Ke ya go no se bala. Le a bona mo, Kutollo 17:8. Ke nyaka go bona se e se boelago mo, ka baka la gore ga ke tsebe feela mokgwa wa go thula ye go latela, 17:8.

Gomme sebata se o se bonego se be se le gona, gomme ga se gona; gomme se tla rotoga go tšwa sekoting sa go hloka bofase, gomme se tla ya tahlegong: gomme ba ba dulago godimo ga lefase ba

tla makala, bao maina a bona a sego a ngwalwa ka pukung ya bophelo—ya bjona bophelo go tloga go theweng ga lefase, ge ba bone sebata seo se bego se le gona, seo se sego gona, gomme seo se lego gona bjale.

214 Le a bona, “se bego se le gona,” mopapa yo motee o a hwa, yo mongwe yo motee o a rotoga. “Sebata se se bego se le gona, seo se sego gona, seo se lego gona; seo se sego gona, seo se lego gona.” Ga se fetoše tshepedišo ya sona; ka mopapa, nako ya go swana, se sengwe le se sengwe. Se sengwe le se sengwe se swanetše go ya ka tshepedišong ye e swanago.

215 Gomme se tla tla kae? “Go sekoti sa go hloka bofase.” Gomme Beibele e boletše mo, gore, “Moetapele wa baisa ba o be a etšwa sekoting sa go hloka bofase, gomme yoo e be e le kgoši ya bona,” gomme o dutše ka dikorone tše tharo, gomme o joina Moprotesetanta le yena.

216 Ke kwele moprista wa Moluther a bolela, letšatši le lengwe, a re. . . goba, moreri wa Moluther, a re, “Go lokile, batho ba mpotšiša gore ke ka baka la eng ke apara kho—kholoro. Ba ka kgona bjang go mpotša go tšwa. . .” A o be o le fao? [Ngwanešu o re, “Eye.”—Mor.] Ya. Gomme, seo, a e be e se go nyefola? Ke—ke ile ka ikwela o ka re nka hlatša, ka sepela go tloga sefaleng. Ba rile, “Ka gore, ga ba swanela go ba phapano ye e itšego.”

217 Ge Luther, Martin Luther, a be a ka kwa seo, o be a ka retologa ka lebitleng la gagwe, a re, “Lena baikaketši, ga se lena ba mafelong a ka.” Uh-huh. Le a bona?

Eupša a le tseba fao e fihlilego? “Fao ga go phapano.”

218 Fao go phapano. Ebile e fapana ka motho la motho. Modimo o rile, “Nkaroganyetšeng, gomme Paulo le Baranaba,” yeo ke therešo, “bakeng sa mošomo.” Aroganyang! Modimo ke moaroganyi, e sego motswaki. Moa-. . . Kereke e nyaka motswaki yo mobotse, lehono, yo a ka kgonago go ba dumelela go apara disutu tša go hlapa, le dišothi, le se sengwe le se sengwe gape, le go tšwela ntle le go ya pele ka moggwa woo. Eupša Modimo o rile, “Nkaroganyetšeng!” Ikaroganyeng ka bolena go tloga go lefase!

219 Kutollo, re a hwetša mo, gore, “kgoši ya bona e be e etšwa dikoting tša go hloka bofase,” gomme yo motee yo a swanago yo a “ilego tahlegong,” ka gare le ka ntle, ka gare le ka ntle, a ya ka ntle.

220 Elang hloko ka go Lefitiko, ya 23 tema, ka fao tlhathollo e phethagetšego le tshepedišo le Lentšu, le seo re lekago go se fa bjale. Hlokomelang se bjale, tshepedišo. Bjale re ela hloko. A re nong go phetla gomme re baleng seo nakwana feela. Ka go Mmole-. . . e sego ka go Mmoledi, eupša Lefitiko. Lefitiko ya 23, bjale elang se hloko mo, Lefitiko ya 23 tema bjale. Gomme ga re nyake go foša se le gatee, bjale, gore re

kgone go se hwetša feela tšwa ka tsela ye Morena a bilego le sona se ngwaletšwe rena mo. Ka nnete nka se kgone go hwetša Lefitiko ka go Ekisodo, a nka kgona? Ka moka gabotse, Lefitiko bjale. “Gomme Morena . . .” ya 23.

. . . *MORENA o boletše le Moshe, a re,*

Bolela le bana ba Israele, o re, Ka kgwedi ya bošupa, ka letšatši la pele la kgwedi, le tšwa ba le sabatha, segopotšo sa go letša diphala, le pitšokgethwa. Le a bona?

Le tšwa dira . . . wona modiro wa setšhaba ka go lona: eupša le ka se ke la neela . . . dihlabelo tše di dirilwego ka mollo go MORENA.

. . . *gomme le tšwa neela sehlabelo se se dirilwego ka mollo go MORENA.*

221 Bjale hlokomelang. Bjale elang hloko.

Gomme MORENA o boletše . . . Moshe, a re,

Gape ka letšatši la lesome la kgwedi ya bošupa fao go tšwa ba letšatši la poelano: . . .

222 Le a bona, poelano e latetše . . . Hlokomelang bjale. Poelano e latetše go gala ga phala. Le a bona? Ka mo e lego mo go botse! Le a bona? Letšatši la poelano le latetše phala.

223 Bjale—bjale, matšatši a masometlhano a diphala, a rena, a swanetšha ge phala e lile ka pentecost, e bego e le matšatši a masometlhano. Bjale—bjale—bjale, ka morago ga se, Bajuda ba ganne Yeo.

224 Bjale Diphala ke go ba biletša morago go Poelano yela, le a bona, Poelano ye ba e ganne. Gomme ba ganne gore mahlo a rena a kgone go bulwa; a bona a be a tšwaletšwe. Gomme lebakeng la nako ye, Mahuto a a ile a bulega, gomme pha—pha—Diphala tša lla. Gomme bjale, ka go letšweng ga Diphala, feela pele Mesia a etla, ka baka la gore ba swanetše go ba ka Palesetena. Gomme le a elelwa Modimo o ile a swanelwa ke go thatafatša pelo ya Farao, go ba kitimišetša ka ntle Egepete; gomme A thatafatša Stalin, Mussolini, le ka moka bao, go ba iša morago ka go naga ya tšhepišo, fao ba dikete tše legolo le masomenne ba swanetšego go ba.

225 Gomme bjale, nako ya mathomo lebakeng la mengwaga ye dikete, mengwaga ye makgolo a masomepeditlhano, gore Israele ke setšhaba le folaga ya yona mong, sešole sa yenamong, le ka moka, gomme e a amogelwa ka go—go DK. Ke la mathomo e bile. Folaga ya kgalekgalegale yeo e kilego ya phaphasela lefaseng, ka nako ye, e phaphasela gape, ya tše tlhano . . . naledi ya dintlha-tshela ya Dafida. O rile O tšwa phagamiša leswao leo ka matšatšing a mafelelo, ge a tšwa ba a etla morago. Re mafelelong. Fao go no se be go kamaka ka yona. Re mo.

226 Elang hloko bjale, ka pela, Kutollo 9, ka tlase ga phalafala ya bošupa, “kgoši ya bona e tšwa dikoting tša go hloka bofase.”

227 Ka gona ka go Lefitiko, bjale, ka fao tlhathollo e phethagetšego le Lentšu mo! Ka baka la gore, le a bona, ka bjako go latela, mogobo wa pentecost o latetše letšatši la poelano; tatelano ya nako ya monyanya. Magareng ga monyanya wa pentecost, go ya go poelano, go gala ga diphalafala bakeng sa poelano, e be e le monyanya wa pentecost, lebaka le letelele la nako. Lebelelang, fao go bile lebaka le letelele la nako magareng ga monyanya wa pentecost, go ya go bitša ga—ga phal...go galagatšwa ga diphalafala, di—diphalafala gore di gale; lebaka le letelele la nako. Gabotse, e be e le matsatši a masometlhano, go tloga go—go tloga go—go tloga go monyanya wa pentecost go ya go monyanya wa poelano, e be e le matsatši a masometlhano. Bjale, matsatši a masometlhano ke disabatha tše šupa tlwa.

228 Gomme disabatha tše šupa ke mengwaga ye šupa ya kereke, Mabaka a Kereke. Le a e hwetša? Le a bona? Le a bona? Bjale, Bajuda ba be ba fofaditšwe, ba letetše ka moka nako ye, mola Dithakangwaga tša pentecost di be di tšhollelwa ntle godimo ga Kereke. Gomme bjale re tlile tlase go kgabola mabaka a mohwelatumelo, le tlase go kgabola mabaka a motsošološi, gomme bjale ka go lebaka ka go biletša ntle; dikgao tše tharo, Moya wo o swanago; go swana le Tate, Morwa, le Moya wo Mokgethwa, yo Motee wa go swana. Le a bona? Eupša, Mabaka a Šupa a Kereke, e lego disabatha tše šupa.

229 Tlwa disabatha tše šupa go tšwa go—go tšwa go phalafala ya mogobo wa pentecost...monyanya wa mogobo wa pentecost, go fihla...Go ekarwa ga šerefe, gomme ka gona mogobo wa pentecost. Gomme ka gona go tloga go mogobo go ya go poelano ke disabatha tše šupa, matsatši a masometlhano, gomme mafelelong a matsatši a masometlhano ke—ke poelano e dirwa. Le a e hwetša? Bjale, gomme se e be e le seswantšho, gore Kereke... .

230 Ge A utollwa, ka Seyena, bjalo ka Morwa wa Modimo, o be a utolla go Kereke ka kolobetšo ya Moya wo Mokgethwa, tlase go kgabola mabaka, ka go—go lebaka la pentecost, le a bona. Go no tšwela pele go oketšega le go oketšega; tokafatšo ka tlase ga Luther, tlhwekišo ka fase ga Wesley, kolobetšo ya Moya wo Mokgethwa.

231 Bjale še nako ya go biletša-ntle. Go Lehuto la Bošupa, ge le—ge le bulwa, tlaišo e ratha Bajuda, ntlheng ya go ema ya go bonagala; gomme mo go tla tlaišo go kereke, go ntlha ya go ema ya bokereke; ka baka la gore, Monyalwa o šetše a biditšwe. Disabatha di fedile, gomme go loketše Bajuda go bitšwa. Go ya kae? Monyanyeng wa Poelano. Oo, kereke, a ga le bone seo? Go biletšwa go ya monyanyeng wa Poelano, (eng?)

go lemoga Poelano; ga e sa le mantsuana le mapidipidi, le se ba bego ba se dira. “Kwana ya Modimo, ye e hlabilwego go tloga go theweng ga lefase,” Israele e ya go tseba Seo.

²³² Elang hloko, selo se segolo se se. Lebelelang! Oo, nna! Moya wo Mokgethwa o be o tlemilwe ke dikereke tša maina, ka moka mengwaga ye ye dikete tše pedi. Re a hwetša, O be. Bjale elang hloko disabatha, disabatha tše šupa, ga se tša ke di kgona tsela ka moka go tšwela ntle. Be—Beibele e rile, “Fao go tla ba letšatši le e ka se bego bošego goba mosegare.”

²³³ “Gomme ka moka Lengwalo,” Jesu o rile, “le swanetše go phethagatšwa.” A yeo ke therešo? E reng, “Amene.” [Phuthego e re, “Amene”—Mor.]

²³⁴ Moporofeta o rile, “Fao go tla ba letšatši le le ka se kgoneng go bitšwa mosegare goba bošego, eupša nakong ya manthapama go tla ba Seetša.”

²³⁵ Seo e be e le eng? Letšatši le le swanago le le phadimilego ka Bohlabela ke le letšatši le le swanago le le phadimago ka Bodikela.

²³⁶ Nako ye nngwe le ye nngwe ye letšatši le tla godimo, gomme la ya go kgabaganya gomme la dikela, le ra bophelo bja gago. Lesea le lennyane le a tswalwa, le fokola, mosong. E ka ba ka iri ya seswai, le ya sekolong. Lesometee-masometharo, le tšwele ka sekolong, ke phišo ya letšatši. Ka gona le thoma go dikela, go ya go masometlhano a mengwaga ka bokgale, masometshela, masomešupa, masomeseswai, masomesenyane. O dula godimo ka kua gomme o a hwa; feela go tla morago letšatši le le latelago, gomme la re, “Fao go na le bophelo, lehu, poloko, tsogo.”

²³⁷ Gomme, elang hloko, tlabologo e ile le letšatši. Tlabologo ya kgalekgalekgale re nago nayo ke China. Yo motee mang kapa mang o tseba seo.

²³⁸ Moya wo Mokgethwa o wele kae? Go naga ya Bohlabela, go batho ba Bohlabela. Gomme Ebangedi e sepetše le letšatši. E tšwa kae? Go tšwa godimo ka Bohlabela, go ya ka Germany, go tloga Germany go ya England. . . Go kgabaganya kanala makga a mararo. Mediterranean go ya ka Germany, go tloga Germany. . . Go tloga Mediterranean, go tloga Bohlabela, go ya ka Germany, go kgabola Mediterranean; go tloga Germany, go kgabaganya English Channel, go ya ka England; go tloga English Channel, go kgabaganya Pacific godimo go ya ka. . . goba Atlantic, godimo go ya ka United States.

²³⁹ Gomme bjale o ka Lebopong la Bodikela. O kgabotše setšhaba se a se hlabolotšego gomme a ya go kgabaganya, le go ya pele. Tlabologo e a sepela; Ebangedi e sepetše le yona. Bjale ka moka go se tsebalege go Lebopong la Bodikela, fao se sengwe le se sengwe e se topetšego godimo, go swana le lephothokgolo le etla ka gare.

²⁴⁰ Eupša moporofeta o rile, “Morwa a ka se ke a phadima go kgabola letšatši le; e tla ba letšatši la leutu.” Ba bile le Seetša sa go lekanela, go swana le letšatši la nnete la pula, ba be ba ka kgona go tsoena dikereke, le go dumela Morena, le dilo tša go swana le tseo. Eupša, o rile, “Nakong ya manthapama, maru a tla šutha go tloga, dikereke tša maina di tla timelela.” Gomme Ebangedi ye e swanago, Lentšu le le swanago le dirilwe nama, bjalo ka ge A tshepišitše ka go Luka 17:33. Ebangedi ye e swanago, ka selo se se swanago, e tla direga nakong ya manthapama, feela ge meriti e eya tlasefase. Ebangedi ye e swanago, Kriste yo a swanago yo a phetšego ka nameng morago ka kua ka mathomong, go batho ba Bohlabela, o tla phela gape ka go batho ba Bodikela ka nakong ya mafelelo. “Go tla ba Seetša nakong ya manthapama.”

²⁴¹ “Ka moka Mangwalo a filwe ka tšhušumetšo,” gomme a ka se kgone go robja.

²⁴² Matšatši a magolo a masometlhano a fedile. Monyanya wa pentecost o fetile, disabatha tše šupa; go fihla diphalafala, seswantšho sa Mabaka a Šupa a Kereke. Elelwang, elelwang, ya...ka tlase ga Phalafala ya Boselela, Mojuda...A le theeditše? [Phuthego e re, “Amene.”—Mor.] Ka tlase ga Phalafala ya Boselela, ma—Mapentecost ba gana Beibele; ba—ba bololo, e sego feela Mapentecost, ka moka bohle. Kereke ya lefase e gana Kriste gomme O beilwe ka ntle. Gomme ka go Phalafala ye e swanago...Le Lehuto le le swanago, ke ra gore, ge Le bulwa, go laetša Jesu ka ntle ga kereke, a leka go tloga morago ka gare; ka nako ye e swanago, Phalafala e galagalela Bajuda, gomme Bajuda ba lemoga Poelano. Letago! Haleluya! Oo, nna!

²⁴³ Moya wo Mokgethwa o be o tlemilwe ke dinoka tše tša dikereke tša maina, lebaka le e ka bago dikete tše pedi tša mengwaga, eupša o swanetše go tlemollwa nakong ya manthapama, ka Molaetša wa nako ya manthapama. Moya wo Mokgethwa morago ka Kerekeng gape; Kriste, ka Boyena, a utolotšwe ka nameng ya motho, ka nakong ya manthapama. O boletše. O e tshepišitše.

²⁴⁴ Fao go bile magato a mararo a wona, bjalo ka ge ke boletše. Bahwelatumelo, lebaka la mohwelatumelo, la wona; gomme ka gona legato la batsošoloji; gomme bjale nako ya go biletša ntle.

²⁴⁵ Ge o feditše, Lebakeng la Laodikia, go ya ka Kutollo 10, sephiri sa Beibele ka moka se tla tsebja go Monyalwa. A yeo ke therešo? [Phuthego e re, “Amene.”—Mor.] Kutollo 10. Theetšang sekgauswi bjale. Uh-huh. Monyalwa, o biletšwa ntle ka Lentšu; Kriste ka Boyena a biletša Monyalwa ntle, go dira Baheberu 13:8 pepeneneng, gore O a “swana maabane, lehono, le ka gosafelego,” o dira selo se se swanago, o a swana. “Yo a dumelago go Nna, mediro ye Ke e dirago o tla e dira le yena.”

Le a bona? Luka 22... Goba, Luka 17:30, gape le Maleaki 4, Baheberu 4:12, ka moka Mangwalo a ao a tshephišitšwego, se se swanetše go ba magareng ga Lehuto la Boselela le la Bošupa, le Phalafala ya Boselela le ya Bošupa.

²⁴⁶ Monyanya wa pentecost o fela lebakeng la Phalafala ya Bošupa, ka gore se se latelago ke go Tla ga... Lehuto la Bošupa, ka gore se se latelago ke sephiri sa go Tla ga Kriste, le, gape, Phalafala e galagalela Bajuda. Phalafala ya bona ya Boselela e a galagala, gomme, ge e dira, e dira go tsebja go bona Morwa wa Modimo yo a utolotšwego; sekgoba sa iri e tee le seripa. Elelwang, ka moka Diphalafera di galagala go Lehuto le la Boselela. Lehuto la Boselela le fetša sephiri, ka tlase ga Lehuto la Boselela, feela pele la Bošupa le bulwa.

²⁴⁷ Elang hloko, mo ke Lefitiko 23:26. Ka fao Lengwalo le lego ka lenaneo! Ka morago ga lebaka le letelele la pentecost, leo Israele e le gannego morago kua; gomme O bileditše Kereke ya Bantle ka ntle, ka monyanya wo wa pentecost. Ke ba bakae ba kwešišago gore monyanya wa pentecost ke eng? Ke kenywa ya... thakangwaga ya puno, thakangwaga ya tsoho, monyanya wa pentecost.

Le se ke la foša se, batho! Gomme, lena go theipi, theetšang sekgausi!

²⁴⁸ Ye e bile nako ya monyanya wa pentecost. Bajuda ba ba robetšego ba homotše; ba O ganne. Bjale ba swanetše gore ba biletšwe morago go ya go Poelano. Re a tseba gore Poelano e be e le Mang; ga se ba tseba. Gomme Phalafala e a galagala, ka morago ga mogobo wa pentecost, e bitša Bajuda mmogo. Ga le kgone go bona ka fao Phalafala yela, ya tlaišo ka tlase ga Hitler le bona, e llilego? Gomme Bajuda ba ile ba gapeletšega go tla mmogo, go phethagatša Mangwalo.

²⁴⁹ Bjale a le a e hwetša? Ka moka ba ba e hweditšego, e reng, "Amene." [Phuthego e re, "Amene."—Mor.] Botse. Ka moka gabotse.

²⁵⁰ Elang hloko mo ka go Lefitiko, 26 bjale, tshepedišo ya Mangwalo. Ka morago ga lebaka le letelele la pentecost, le le felelago ka go biletšeng ntle ga Monyalwa, Monyalwa o biletšwa ntle ke mohlanaka. Moganwa, sa go latela, go tsebja go Israele, monyanya wa Poelano. Elang hloko, mo go swana le ka go Lefitiko ya 16 tema, bjale, ge A beakanya monyanya wa pentecost... goba monyanya wa poelano, eupša ka lebakeng le ba a bitšwa... .

²⁵¹ Oo, a phethagalo! E hwetšeng, bareri. Le a bona? Le se ke la e foša, badiredi.

²⁵² Ka go mo monyanya wo wa pentecost, wo o emelwago ka go Lefitiko 23:26, goba 23 le 24, ke monyanya wa selo, e sego go bolaya, ga monyanya. Monyanya o bolailwe... Seloba se

bolailwe, ke ra gore. Seloba se bolailwe. Lefitiko 16, ke go bapela tlwa le yona. Feela, ka lefelong le, ke go biletša Israele go llela dibe tša bona. Ka fao e phethagetšego, lehono! Ga se go Se bolaya gape; e lego, se Moshe a se swantšhitšego, ka go ratha letlapa lekga la bobedi; ga se ya ke e šoma. E sego go bolaya, ga monyanya; eupša go lla, ga go gana Poelano. Oo, nna! Ye e tla ba Phalafala; monyanya, wa ganwa, ka gona Mesia wa bona a dirwa go tsebja.

²⁵³ Elang hloko, ba tla tseba Mesia wa bona ge ba Mmona. O tla ka maatla, nako ye, yo Motee yo ba bego ba mo lebeletše. O tla ka maatla, bakeng sa Monyalwa wa Bantle, gomme Bajuda ba ya go Mo lemoga. Gomme ka gona Beibele e re . . . Re sa tšwa go kgabola go rera ka yona mo, e ka ba dikgwedi tše tshela tša go feta, goba go feta. Beibele e re, ge ba re, “Dintho tšeo O di hweditše kae?” Ke ba bakae ba elelwago Molaetša? Emiša seatla sa gago. Nnete, le . . . Le a bona? “Dintho tšeo O di hweditše kae?”

O rile, “Ka ntlong ya bagwera ba Ka.”

²⁵⁴ Le elelwa ke rera ka—ka nako ge Jakobo a rometše bana ba Israele tlase kua go ya go hwetša dilo, le dijo le dilo, le ka fao Josefa a go dira o ka re o be a sa ba tsebe; le ka fao ka moka dilo tše tša go ya pele, gomme a itira ka boyena go tsebja? Le a elelwa? Gomme ba be ba tšhogile kudu, ba ile ba ya go lla. Go no swana le bothata bja Jakobo.

²⁵⁵ Gomme mo re hwetša Bajuda ka tlase ga tšaišego; ga ba tsebe mo ba emego bjale, eupša ba tla morago.

²⁵⁶ Gomme ge ba bona Poelano e tšwelela, Beibele e rile, “Ge ba e bone,” ba rile, “ba tla arogana lapa le letee go tloga go le lengwe, gomme ba lla matšatši, bjalo ka—bjalo ka lapa le le lahlegetšwego ke morwa wa bona yo motee. ‘Dintho tšeo o di hweditše kae?’”

O rile, “Ka ntlong ya bagwera ba Ka.” Le a bona?

²⁵⁷ Elelwang, Monyalwa o šetše a le Legodimong; mosadi wa Josefa o be a le ka paleising. Josefa o tlošitše se sengwe le se sengwe go tloga go mo dikologa, gomme a itira ka boyena go tsebja go bana babo; le a bona, Mosadi wa Gagwe le bana le bona ba be ba le ka paleising ge A bowa morago go itira Seyena go tsebja go Bajuda. Fao go Poelano. Fao go go galagala ga Phalafala ya gago. Fao ke mo ba rego, “Oo!” A ke eng? Fao go Poelano. “Tšona dintho di tšwa kae?” Šeo.

“Ka ntlong ya bagwera ba Ka.”

²⁵⁸ Le a elelwa se bana babo Josefa ba se boletšego? Ka baka la eng, ba rile, “Bjale re tla bolawa, nnete go lekanela. Re dirile seo. Re dirile bob e bja go swana le bjoo.”

²⁵⁹ O rile, “Aowa, Modimo o dirile se go boloka bophelo.” Le elelwa setori, ka go Genesi? Le a bona? Le a bona? Ka fao O e

dirile ka tsela ye, go boloka bophelo bja Montle, Monyalwa. O rile, “Ke di hweditše ka ntlong ya mogwera wa Ka; eupša le se ke la befelwa, le a bona, le se ke la boifa ka bolena.”

²⁶⁰ Ba re, “Oo, nna! Ka nnete re fošitše go Mmona? A yeo e be e le Poelano, gomme re E fošitše? O Modimo!” Gomme ba rile, “Ba ile ba no arogana ka bobona, gomme ba lla lebaka la matsatši.” Ke eng? Poelano; manyami. Nako ye, go tla ga go dira go tsebja, Poelano, ga se seloba sa mehleng se bolawa, go swana le ka go Lefitiko 16. Eupša Lefitiko 23 ke nako ya go llela, dibe tša bona. Gomme, dibe tša bona e bile gore, ba E ganne.

²⁶¹ Oo, a ga le bone moo re lego? A ga le bone gore ke ka baka la eng tšona Diphlafala di sa re selo go rena? Ka moka di galagetše ka tlase ga Lehuto la Boselela la rena. Le a bona bjale gore ke ka baka la eng Moya wo Mokgethwa o se wa ntumelela go bolela ka lona? Gomme Tate wa Legodimong o a tseba, ka Beibele ye pele ga ka, seo ke Therešo. Ke be ke sa se tsebe go fihla maabane, letšatši pele ga maabane; ka kamoreng ya ka fao mo A se utolotšego, a tla go nna gomme a bolela le nna. Ka tla morago, ka re, “Mosadi, ke se hweditše bjale. O sa tšwa go kopana le nna kua gomme o mpošitše. Se se, hani.” Le a bona? Le a bona, se sele, le a bona, ka kwano feela ka go phethagala.

²⁶² Oo, batho le se nago Nae, tsenang ka gare ka pela! E ka no ba sebakabotse sa mafelelo le ka tsogogo la kgona go ba le sona. Ga le tsebe nako ye A ka tlogo ka yona.

²⁶³ Monyanya wa diphlafala. Beibele e re, “Ba tla arogana ka bobona, yo motee go yo mongwe, gomme ba rapela le go lla, ka baka la gore go swana le motho ka ngwana wa bona yo motee a lahlegile.”

²⁶⁴ Lebelelang, ke nyaka go bolela selo se tee gape. Sekgauswi bjale; le se ke la foša se. Ka fao se rathago! Go tšwa go morongwa wa bošupa (motseta wa Lehuto la Bošupa) Molaetša ka go Kutollo 10, e bile Lehuto la Bošupa, go ya go Diphlafala tše Šupa, magareng ga dinako tše pedi tšeo. . .

²⁶⁵ O Modimo, re ka kgona go bolela Ye bjang, go dira batho go E bona?

²⁶⁶ Ke magareng ga Phlafala yela ya Boselela, gomme Phlafala ya Boselela le . . . Phlafala ya Boselela le Lehuto la Boselela di galagala ka nako ye e swanago. Gomme magareng ga Phlafala ya Boselela le Phlafala ya Bošupa, fao go moporofeta wa go swanela go tšwelela pele ga Bantle, go biletša batho morago go Thuto ya setlogo ya pentecost; gomme dihlatse tše pedi tša Kutollo 11 di tšwelela go Bajuda, go ba romela go Jesu, ge Kereke e tšeelwa godimo. Ka moka ga bona, baporofeta! Amene! Lentšu la Morena le ka se kgone go robja. Le ka se be kereke ya leina! Le a e bona?

²⁶⁷ Balang ka Pukung ya lena mo gomme le bone ge eba magareng ga ya Boselela le ya Bošupa Phlafala ga go a

lahlelwa ka kua, go dumelelwa Bajuda go biletšwa ntle magareng ga Moruswi wa Boselela le wa Bošupa, re tla godimo go dikete tšela tše lekgolo masomennenne (le elelwa seo?), e bego e le magareng ga seo. A le a elelwa? Magareng ga la—la—la Boselela, Lehuto la Bohlano le Lehuto la Boselela. . . Magareng ga Lehuto la Boselela le Lehuto la Bošupa, fao go bile go biletša ntle ga ba dikete tše lekgolo le masomennenne. Le elelwa seo? Bjale fao ke mo diphalafala tše di tlogo thwi fao, le a bona, le tlaišo, le dipere di tlemollwa godimo fao.

268 Ka gona, magareng ga fao, ka gona go be go swanetše go ba le Molaetša wa morongwa wa bošupa, yo a bego a rera le go ahlola Mapentecost. Gomme Jesu o be a beilwe ka ntle; o be a se na le tirišano le mang kapa mang, a beilwe ka ntle, a gannwe. Beibele e boletše bjalo. Ka gore, ke Kriste a dirwa go bonagala magareng ga rena, Jesu magareng ga rena ka moka, a dirwa go bonagala ka bohleweking bja Lentšu la Gagwe, a Le dira go tsebja. Gomme ge seo e le. . .

269 Se ga e no ba sa go dirwa, bagwera. Se ke GO RIALO MORENA, Lengwalo.

270 Gomme ka nako ye e swanago. . . Bjale, ka pela ge Kereke ye (Monyalwa) e gogetšwe mmogo, O tšeelwa godimo; gomme sephiri sela sa Lehuto la Bošupa, goba Lehuto la Bošupa, sephiri sa go tloga. Gomme Bajuda ba bitšwa ke sephiri sa Phalafala ya Bošupa, e lego baporofeta ba babedi, Eliya le Moshe, gomme ba tla morago. Gomme fao ke mo Mapentecost ka moka ba hlakahlakanego; ba lebeletše selo se sengwe go direga; Kereke e dirilwe e sepetše. Gomme leo ke go Bajuda.

271 Bjale, ke kwa ka monaganong wa yo mongwe, go re, “Yoo e ka se kgone go ba Moshe.” Eye, ke yena. Bjale, le a elelwa, O kgona go mpotša megopolo ya lena. Uh-huh. Uh-huh. Ke tšwela pele ke ekwa yeo ele- . . . Ka moka gabotse.

272 A ke otlolleleng seo ntle go lena. E be e le Moshe. Ka baka la gore, šo mogopolo wa gago. O bolela, gore, “Moshe, e ka se kgone go ba Moshe, ka baka la gore Moshe o hwile.” O nagana gore ke Eliya. Ke Eliya, therešo. Ge, o nagana gore, “Ke Henoge.” O re, “Moshe o šetše a hwile.” Eupša, elelwang, a ka kgona go tla morago bophelong gape. O dirile. Mengwaga ye makgoloseswai moragorago, mengwaga ye mmalwa moragorago, o tšweletše godimo ga Thaba ya Phetogelo. O re, “Ka morago ga ge monna a hwile?” Eye, mohlomphegi. Latsaro o be a hwile; a tsoga gape; gomme ka gona a swanelwa ke go hwa gape. Le a bona? Nnete. Uh-huh. Gomme le ba babe ba tla tsošetšwa bophelong gape, gomme ba swanelwa ke go hwa lehu la bobedi. A yeo ke therešo? Ka fao ntšha seo ka monaganong wa gago. Ke Moshe. Hlokomela bodiredi bja

gago, feela tlwa se Moshe le Eliya ba se dirilego; ba tswaletše magodimo gomme ba gaša mollo godimo ga lona. Le tsebe selo se ba se dirilego.

²⁷³ Naganang ka yona! Ke bofelo bja nako, setšhaba. Haleluya! Letšatši le legolo la Morena le fihlile. Ikgoboketseng ka bolena mmogo. Monyanya wa Mesia; ba tla Mo gana, gomme ba tla lemoga gore fao go Mesia wa bona. Beibele e boletše gore tšona dilo tša go ratha ka mokgwa wo di tla direga.

²⁷⁴ Ka go Kutollo 11, pitšo, bodiredi bja bona e tla ba bodiredi bja Moshe le Eliase ba bitšago Israele, go tšwa go ditšo tša Sejuda; go no swana le ge Molaetša wa morongwa wa bošupa o biditše Monyalwa go tšwa setšong sa Bopentecost. Elelwang, Moshe le Eliya ke ba go biletša Israele ka ntle ga poelano ya kgale ya kwana, le nku, le madi, le dipudi, le sehlabelo, go ya go Sehlabelo sa mmakgonthe se se phelago, go ya go Lentšu.

²⁷⁵ Gomme Molaetša wa morongwa wa bošupa, ka tlase ga Phalafala ye e swanago, selo se sengwe le se sengwe se se swanago tlwa, Lehuto le le swanago, ke go (dira eng?) biletša batho, Monyalwa, ka ntle ga Bopentecost le setšo sa lefase, go ya go Poelano ya mmapaale, Lentšu, Kriste a mothofaditšwe ka Lentšu la Gagwe mo, a dirwa nama magareng ga rena. Saentshe e e kgonthišetše, ka dinepe. Kereke e a e tseba, go dikologa lefase. Re e tseba ntle le go šišinyega, ka gore Yena ga se a ke a re botša selo se setee ka GO RIALO MORENA eupša se e bego e le Therešo. A Yena ga se a ke a bolela, tlase kua nokeng, “Bjalo ka ge Johane Mokolobetši a rometšwe, ka fao Motseta yo o tla gogela ntle. . .”

²⁷⁶ Ke lebeletše godimo, gomme ke iri ya lesomepedi. Iri ya gare ga bošego e mo, bagwera, godimo ga rena. Le bona ka fao Lengwalo le phethagetšego? Ka phethagalo, ka fao Le. . .

²⁷⁷ Ka gore, lebelelang, ga go ye go ba mokgatlo wo o itšego go ya tlase kua le go bitša Bajuda. E ya go ba banna ba babedi, Moshe le Eliya. Bobedi bja bona, baporofeta.

²⁷⁸ Bjale lebelelang. Go biletša Bantle, Monyalwa ntle, O tshepišitše ka go Maleaki 4 go dira selo se se swanago.

²⁷⁹ Gomme Beibele e boletše gore O tla bewa ka ntle ga kereke, ka Lebakeng la Bošupa la Kereke. O tla bewa ka ntle ga kereke. E tla ya go fifala ka go felela, le go ya. . . E fifetše kae? E ile ka go tshepedišo ye ya bokereke, ka go khantshele ye ya mohlakanelwa, Khantshele ya Lefase ya Dikereke. O. . . O beilwe ka ntle ka go felela. Lentšu la Gagwe, ga ba kgone go dumellana le Lona. Le a tseba ga ba kgone. Ga ba kgone le go no dumellana le go tša bona beng tše nnyane dihlopha tša tikologo; ba ya go dumellana bjang ka Yeo? Ka fao, ba tšea leswao le lengwe la sebata, seswantšho sa sebata. Elelwang, Beibele e rile, “Fao go bile seswantšho se sa go direlwa sebata.”

²⁸⁰ Gomme United States ye ka mehla e bile nomoro ya lesometharo. E thomile ka dinaga tše lesometharo, dikolone tše lesometharo; dinaledi tše lesometharo, methaladi ye lesometharo; nomoro ya lesometharo, gomme ka mehla mosadi. O tšwelela ka go tema ya lesometharo ya Kutollo. Gomme, pele, ke kwana; boleta, tokologo ya polelo, tokologo ya bodumedi, le go ya pele; gomme ka gona ba amogela maatla, gomme ba bolela ka maatla ka moka ao terakone e bego e na le wona pele ga gagwe. Ke eng? Terakone e be e le eng? Roma. Le a bona, e bile le leswao, seswantšho sa sebata, go ema kgahlanong le Kereke ya nnete ya Modimo. Ka tlase ga tšona dikereke tša maina, e tla tlaiša selo se! Eupša, ge ba thoma go e dira:

Kwana e tla tšea Monyalwa wa Gagwe go ba
ka mehla lehlakoreng la Gagwe,
Ka moka makoko a Legodimo a tla
kgobokana;
Oo, e tla ba ponagalo ya letago, ka moka
bakgethwa ka bošweung bja go hloka
sepatso;
Gomme le Jesu ba tla keteka ka Gosafelego.
Amen!

“Etlang gomme le je,” Morena o a bitša,
“Etlang gomme le je.” Amen!

²⁸¹ Ke letšatši mang re phelago ka go lona, iri! Tšhabang, batho, tšhabišang maphelo a lena!

²⁸² Elang hloko bjale, ge re tswalela, bodiredi go swana le morongwa wa bošupa. Dihlatse tše pedi, ka tlase ga Phalafala ya Šupa, feela pele. . . goba, Phalafala ya Boselela, feela pele Phalafala ya Bošupa e fetš- . . .

²⁸³ Bjale, elelwang, gomme ke le boditše gore ke tla tliša morago ye, “Phalafala ye Kgolo.” O rile, O tla dira eng, ka kua mo go Jesaya? O rile, go. . . “Phalafala ye Kgolo e tla galagala. Phalafala ye Kgolo!” E sego Diphala-fala bjale, monyanya wa diphala-fala; fao go na le ba babedi ba bona, Moshe le Eliase, go bitša Phalafala. Eupša, ka tlase ga “Phalafala ye Kgolo,” go Tla ga Morena, go bega Josefa a goma, le a bona, gore ditšhaba ka moka di tla kgobokana Jerusalema. Amen. Le hwetša seo ka go Puku ya Jesaya. Ke no le fa yona, nako ya go feta, ye tee ya ditema tšeo re di badilego; yeo ke ka go Jesaya 18:1 le 3. Gomme ka go Jesaya 27:12 le 13, ke fao A galagatsago “Phalafala” yeo, gomme ka moka ditšhaba di tla lemoga Israele ka nagalegaeng ya gagwe, Modimo a na le yena.

²⁸⁴ Ka gona Monyalwa o tla tla go ba le Monyadi, gomme Monyadi le Monyalwa; gomme ka gona Miliniamo wo mogolo, ka morago ga ge lefase lohle le sentšwe ke maatla a athomo. Gomme fao go tla ba “magodimo a maswa le lefase le leswa,” ba tla phela ka gosafelego.

285 Lebelelang, thwi ka tlase...Bjale elang hloko, bodiredi bja Moshe le Eliya bo tla...Bjale, yo mongwe le yo mongwe o a e hwetša? A ke e boleleng gape. Bodiredi bja Moshe le Eliya, magareng ga Phalafala ya Boselela le ya Bošupa, e tla ba baporofeta ba babedi bao ba tlogo go...ba...Israele ka mehla e dumela baporofeta ba bona.

286 Bjale, ka baka la eng Moya wo Mokgethwa o rile go nna ge ke be ke thoma godimo kua, go ba laetša gore O be a le Morwa wa Modimo, o rile, “e sego bjale”? Le elelwa seo, e ka ba mengwaga ye mehlang ya go feta, tseleng ya ka go ya India [Phuthego e re, “Amene.”—Mor.] Wa re, “O se ke wa e dira.”

287 Ka re, “Ba rile, ‘Ge yo e le Mesia, a re Mmoneng a dira leswo la moporofeta. Re dumela baporofeta.’”

288 Ngwanešu Lewi Pethrus le bona ba nthomela Dibeibele tšeo; ge ba e fa milione wa tšona ntle go bona Bajuda go tšwa Iran le gohle, ba etla morago, ba ikgoboketša ka bobona mmogo, ba ba setšhaba.

Ka gopola, “Ye ke nako ya ka.” Ke be ke šetše...Cairo, Egepeta.

289 A re, “O se ke wa e dira bjale. Iri ga se yona bjale.” Ka gona ka gomela gae. Uh-huh. Oo, nna!

290 Moshe le Eliya ba swanetše go bitša. Mogobo wa bopentecost o sa ya, goba o bile godimo go fihla ka nako ye. Le a bona? Bjale monyanya wa Diphafala o swanetše go tsebja. Gomme yo motee godimo mo wa Maleaki 4 ga se a kgomagana le yo motee godimo kua; le gatee, le gatee. Elang hloko, hlokomelang mo, bodiredi e tla ba Moshe le Eliya, ba fetola le go bitša Israele go tšwa go ditšo tša Sejuda, theetšang, go tšwa go ditšo tša Sejuda tšeo ba bego ba tswakane ka go tšona. Ka go ba baporofeta, ba tla dumela—ba tla mo dumela, a ba biletša go monyanya wa Poelano, Kriste, a ba dira gore ba lemoge Kriste. Ba tla re, “O etla. O tla ba mo.” Bajuda ba tla be ba kgobokana, dilo tša go swana le seo.

Gomme ka gona ge A etla, a re, “Ke nna yo.” Le a bona?

“O hwetša kae wona mabadi?”

“Ka ntlong ya bagwera ba Ka.”

291 Bjale, go swana le ka mo baporofeta ba babedi bao ba dirilego! Elelwang, Monyalwa wa Bantle o swanetše go ba le moporofeta, yo a bitšwago Eliase, Eliya, yo a swanetšego go ba biletša ka ntle ga ditšo tša bona, Monyalwa; go no swana le ge baporofeta ba biditše Bajuda go tšwa Bojudeng, go ya go Kriste, Poelano. Gomme Bantle ba šetše ba tseba Poelano, eupša go biletša Monyalwa morago go ya go Poelano ya setlogo, moo tše (masometlhano) disabatha di...Ka moka tše šupa tše disabatha tše ba tlogilego go tšona; go ba biletša

morago go ya go nako ya mafelelo. Wa šupa... Theeletšang! Motseta wa Kereke ya Bošupa, motseta wa Phalafala ya Bošupa, ka moka ke baporofeta. Bjale, yeo ke therešo.

Bao ba tsentšwego, ke dikete tše lekgolo le masomennenne.

²⁹² Go bitša, Mahuto, e bego e le go Bantle. E be e swanetše go ba go Bantle, go bulega go Bantle, go bona Kereke ya Bantle. Seo ke ka moka re se tsebago. Seo ke ka moka re tla se theetsago; seo se šetšego se fetile. Re lebeletše go Jesu.

²⁹³ Le re, “Bjale, ema motsotso, Ngwanešu Branham, ke a dumela ba ya go dira se.”

²⁹⁴ Leswao la mafelelo leo Abraham...Gomme re Peu ya Bogoši ya Abraham; Monyalwa. Leswao la mafelelo le Abraham a kilego a le bona pele leswao le le tshephišitšwego le etla...morwa yo a tshephišitšwego a etla, e bile eng? Modimo, ka sebopego sa motho, yo a kgonago go fetleka megopolo ya batho; monna yo motee, e sego toseine; monna yo motee, go sa tshwenye gore dikekišo ke tše kae. Ba bile le yo Motee, gomme A fetleka megopolo ye e bego e le ka kua. Eng? Gomme, selo se se latelago se diregile, Abraham le Sarah ba boetše morago go monna yo moswa le mosadi. Re tseba seo.

²⁹⁵ Bjale, ke a tseba seo ka mokgwa wo mongwe se le tšhouka gannyane bjale. Eupša, elelwang, feela gore le be le nnete go tseba bjale...Ga le bale Beibele ka mokgwa wo; le bala magareng ga methaladi gomme la bona, la dira senepe go tla.

²⁹⁶ Hlokomelang. Sarah e be e le mokgekolo, Beibele e boletše. O, ba... “Popelo ya gagwe e be e hwile.” A seo ke therešo? “Bophelo bja Abraham bo be bo hwile ka go yena, peu ya gagwe.” A seo ke therešo?

²⁹⁷ Bjale, elelwang, peu ya Abraham e be e hwile. Mengwaga ye masomenne moragorago o bile le barwa ba šupa ka mosadi yo mongwe. Na O dirile eng? O fetotše mebele ya bona.

²⁹⁸ Hlokomelang, ba tšere leeto la makgolo tharo a maele, go theoga go ya Gerare, leeto le letelele kudu go mokgalabje. A re...

²⁹⁹ Gomme Sarah a be a gopola gore ba be ba ka se kgone go ba le kamano ya lapa. O rile, “Nna...” Masomepedi a mengwaga goba go feta, mohlomongwe, pele ba ile ba ba le kamano ya lapa. A re, “Nna mokgekolo, le morena wa ka, le yena; ra ba le mantsikinyane gape, bjalo ka batho ba baswa?”

A re, “A go na le se se thatafalelago Modimo kudu?”

³⁰⁰ Elang hloko se se diregilego. Ka pela a fetogela morago go mosadi yo moswa wa go ratega. Go laetša, ka kua, a swantšha se A yago go se dira go Peu ya bogoši ya Abraham, go amogela Morwa yo a tshephišitšwego. A fetogela morago go yo moswa...

³⁰¹ Lebelelang, ba ile tlase ka Gerare. Gomme go diregile eng? Abimeleke, kgoši, a ratana le yena, a re, “Ke yo mokaone

gomme yo mobotse,” gomme o be a eya go mo nyala. A yeo ke therešo? Motšofadi makgolo; le ka moka bona ba bangwe basetsana ba ba botse tlase kua. Mokgekolo, “Ke yo mobotse. Ke yo mokaone go mo lebelela.” Le a bona?

³⁰² Modimo o fetotše mmele wa gagwe, gomme a ba fetolela morago. Ke sephiri se se tlogo go utologa bjale ka letšatšing le, ka Morwa wa motho, le a bona, Molaetša wa manthapama. Le a bona? Go fetolelwa morago! Gomme leo e bile leswao la mafelelo ba le bonego, e be e le (eng?) tekolo yela, pele go fetoga ga mmele go etla.

³⁰³ Gomme pele re ka kgona go ka amogela Morwa, go direga eng? “Phalafala ya Modimo e tla galagala; ba ba hwetšego go Kriste ba tla tsoga pele, mmele wo moswa; gomme rena ba re phelago gomme ra šala re tla fetolwa, ka nakwana, ka ponyo ya leihlo,” haleluya, “gomme re tla tšeelwa godimo mmogo, go gahlanetša Morena moyeng.” Sephiri se dirilwe go tsebja; Mahuto a bulegile.

³⁰⁴ Phalafala e galagaletše Israele; baporofeta ba babedi ba loketše go tšwelela. Ke eng? Kereke e swanetše go tloga lefelong la tiragalo thwi bjale, gore ba kgone go tšwelela. A ka se kgone go šoma le ba babedi ba nako ya go swana; ga se a ke A dira. Le a bona?

³⁰⁵ Oo, ngwanešu, hlokomela! Tlwa, go bitša ka moka, go bitša bona go tšwa go dikereke tša maina le ditšo. Bjale re a bona kereke ya lebaka la pentecost e fedile.

³⁰⁶ Monyalwa o swanetše go tšwela ka ntle ga tsela, go ya godimo bjale; gore bahlanka ba babedi, bahlanka ba babedi ba Modimo, ka go Kutollo, baporofeta ba babedi, ba kgone go tšwelela godimo ga lefelo la tiragalo, go galagatša Phalafala ya Bošupa go bona, go dira Kriste a tsebje go bona.

³⁰⁷ Morongwa wa bošupa, motseta, o re, “Bonang Kwana ya Modimo ye e tšeago go tloša sebe sa lefase!” E sego, “bonang Methodist ya ka, Baptist ya ka, Pentecostal ya ka.” Eupša, “Lentšu, Morwa wa Modimo, Kwana ya Modimo ye e tšeago go tloša sebe sa lefase,” ka gore fao ga go metheo ye mengwe! Le a bona?

³⁰⁸ Re ile botelele bjo bokae? Bajuda ba ka nagalegaeng ya bona. Monyalwa o biditywe. Go ya ka Mangwalo, se sengwe le sengwe feela tlwa se A se tšhepišitšego. Re loketše. Iri e mo.

Ditšhaba di a thubega, Israele e a tsoga,
 Maswao ao Beibele e a boleletšego pele;
 Matšatši a Bantle a badilwe, ka megoma ba
 dikologilwe;
 Boang, O ba šwalalanywa, ga lena beng.

Letšatši la topollo le kgauswi,
 Dipelo tša batho di feila ka letšhogo;
 Tlatšwang ka Moya wa Modimo, ebang le
 mabone a lena a goteditšwe le go hlweka,
 Lebelelang godimo, topollo ya lena e
 kgauswi!

Baporofeta ba maaka ba aketša, Therešo ya
 Modimo ba a e gana,
 Gore Jesu Kriste ke Modimo wa rena; (yeo ke
 therešo)

Eupša re tla sepela fao baapostola ba gatilego.

Ka gore letšatši la topollo le kgauswi,
 Dipelo tša batho di feila ka letšhogo;
 Tlatšwang ka Moya, mabone a lena a
 goteditšwe le go hlweka, (le se ke la leka
 mahlatse)

Lebelelang godimo, topollo ya lena e
 kgauswi!

³⁰⁹ Moporofeta o rile, “E tla ba Seetša nakong ya
 manthapama.”

E tla ba Seetša nakong ya manthapama,
 Tsela ya go ya Letagong nnete le tla e hwetša;
 Ka tseleng ya meetse, ke Seetša lehono,
 Le bolokilwe ka go Leina le bohlokwa la Jesu.
 Baswa le batšofadi, sokologang go dibe tša
 lena ka moka,

Moya wo Mokgethwa ka nnete o tla tsena ka
 gare;

Dietša tša manthapama di tlile,
 Ke ntlha gore Modimo le Kriste ke Batee.

³¹⁰ Re mo! Re mafelelong. Ga e no ba selo sa go se tsebalege sa
 monna. Seo ke GO RIALO MORENA.

A re inamišeng dihlogo tša rena.

³¹¹ Modimo wa go tlala mogau, Jehofa, Ramaatlakamoka
 yo a dumišitšego Thaba ya Sinai; gomme batho ba goelesa,
 “A Moshe a bolele, gomme e sego Modimo, go sego bjalo
 re a hwa.” O rile, Jehofa yo Mogolo, “Ke tla ba tsošetša
 Moporofeta. Nka se sa bolele le bona gape ka mokgwa wo.”
 Eupša O tšhepišitše se O tlogo go se dira, gomme O se dirile; O
 re emišeditše godimo Morena Jesu. Yena ke Lentšu. O rile O be
 a le. “Mathomong go be go le Lentšu, gomme Lentšu le be le le
 go Modimo, gomme Lentšu e be e le Modimo. Gomme Lentšu la
 dirwa nama, gomme la dula magareng ga rena.”

³¹² Re bona dilo tše A di porofetilego go rena mo, ka
 moporofeta wa Gagwe, Johane, sehlakehlakeng sa Patmose.
 Re e bona e phethagatšwa, go fihla tlhakeng. Re bona Moya
 wo Mokgethwa o dirwa go bonagala magareng ga rena

mo lefaseng. Re bona dikereke tša maina di Mmea ka ntle ga kereke; Lentšu. Ga di na le selo kgahlanong le batho; ke Lentšu le di le hloyago. Le kgahlanong le setšo sa tšona. Go no swana le ge O be o le mo lefaseng, O be o le Lentšu, gomme O be o le kgahlanong le ditšo tša bona; gomme ba Go lahletše ka ntle ga dikereke tša bona, gohle.

313 Gomme bjale, Morena, fao ga go tirišano, e sego felo. Go leka le go tsena ka Afrika Borwa, moo ke tsebago gore fao go disoulo tše le bjale di letilego. Lefelo le lengwe le le lengwe, gomme go bonala o ka re ba ka se nkamogele, Morena. E sego ka baka la ka, Morena; ke ka baka la Molaetša wo. Eupša, O boletše gore go tla ba ka tsela ye, gomme O e dirile go tsebja go rena gore re se ke ra nolega moko. Re tseba iri ye re e phelago.

314 Modimo, batho ba ba dutše mo mosong wo, ka go ye ya go fiša, ya go paka kamora mo. Ba theeditše sekgauswi. Ba a bona bjale, ke na le nnete. Ge ba sa dire, e utolle go bona, Morena, gore ka baka la eng O se wa ntumelela go tšea Diphalfala tšeo. Ke a bona ga e na le selo go dira le rena. Thwi ka go Phalfala yeo ya Boselela, ka moka e diregile, gomme e diregile go bona Lehuto la Botshelela le bulega. Gomme re bone pono mo, dibeke tše pedi tša go feta, ya ponopele ya Monyalwa le kereke, bjalo ka ge ke e boletše mo. Feela bjalo ka ge O ntaeditše, Morena, ke e boletše. Ke rena mo. Go ka no ba go le llatalata go feta ka mo re naganago.

315 O Tate, ge go na le motho mo mosong wo, yo a—yo a sa tšwago go tšea tumelo thoko ye e itšego, khuetšo ya boithutamodimo, goba lentšu la moithutabomodimo yo a a itšego le lego kgahlanong le Lentšu la Modimo! Gomme ga ba tsebe Kriste wa nnete, Moya wo Mokgethwa wa nnete. Ga se la utollwa go bona, Lentšu, le bjale, ka fao Lentšu le swanetšego go ba ka letšatšing le. Ba bona feela setšo. Ba phela ka se—Seetšeng se se fofatšago. Go swana le bohodu bjo bogologologolo bjo bo kilego bja dirwa lefaseng, e bile ka England, bo dirilwe ka seetša sa maaka. Gomme bohodu bjo bogologologolo kereke ya Gago e kilego ya ba nabjo, e bile ge ba tšere seetša sa bokereke ya leina gomme ba gana Seetša sa mmaapaale sa Beibele, Kriste.

316 O Modimo, eba wa go tlala mogau! Phološa balahlegi, Morena. Ka kgopelo, ke a kgopela feela botelele lebakana gannyane, Jesu. Re na le ba ba ratwago. Feela nakwana ye nnyane ye teleletelele. Ka pela Letlapa le legolo lela le tla matlolwa go tšwa thabeng. E fa, Morena, ge yo mongwe le yo mongwe a le mo mosong wo a se na le Wena, a nke ba tle feela bjale, ka bobose, gomme ba Go amogele.

317 Ge re sa na le dihlogo tša rena di kobilwe. Ge o ka emiša seatla sa gago, wa re, “Nkgopole, Ngwanešu Branham.” Ga re na le . . .Dialelara le dilo di tladitšwe. Modimo a go šegofatše.

E no re, “Nkgopole.” Modimo a go šegofatše. Modimo a go šegofatše. Modimo a go šegofatše. Feela ka mo go bonalago makgolo a diatla!

318 Tate, Modimo, fao go na le morithi wo monnyane felotsoko. O tšee o tloge, Morena. Ba dutše mo ka kamoreng ye. O se ke . . . Sathane a ka ba a foufadiše mahlo a bona, dinakong tše di fetilego, eupša ke a rapela gore O tla getsola seo, bjalo ka ge O dirile go rena matšatši a mantši a go feta. Eupša bjale gore O re biletša go pono. . . Beibele e boletše gore ba be ba foufetše. Ba be ba sa e tsebe. O rile, “Ke a go eletša gore o reke go Nna sehlare sa mahlo.” Modimo, šomiša sehlare mosong wo godimo ga mahlo a bona, gore ba bone. Go le bjalo e be go kokobela, ka sehlopheng sa batho ba go kokobela; le ba go kokobela, ba go se rutege, le go ya pele, eupša go le bjalo yeo ke tsela ye e bego e le ka gona mathomong. E fe, Morena, gore ba tla Le amogela feela bjale. Ke ba neela go Wena, Leineng la Morwa wa Gago, Jesu.

319 Gomme O rile, “Yo a kwago Lentšu la Ka.” Ke na le nnete, Morena, bokaonekaonekaone bja tsebo ya ka, ba Le kwele. “Gomme a dumela go Yo a Nthomilego,” e sego tumelo ya maitirelo, eupša a dumela ka nnete, gomme a dumela se Lentšu le se boletšego. “O na le Bophelo bjo bosafelego, gomme a ka se ke a tla Kahlolong; eupša o fetile go tšwa lehung go ya Bophelong.” Johane 5:24.

320 E fa, Morena, gore e tla ba ba Gago, go tloga iring ye go ya pele. Ge go na le go makala ka monaganong wa bona, go tšee go tloga. Ge go na le motho wa go babja magareng ga rena, a nke Moya wo Mokgethwa wo mogolo, Morena, . . . Wo, ke tsebago gore o fao; gomme o utolla megopolo, o eme mo sefaleng. Ba tseba ka moka ka wona. Ke a rapela gore O tla ba fodiša, Morena. Araba ka moka dipotšišo.

321 Mogobe o tla bulwa go bao ba sego ba ke ba karabetšwa Leineng la Jesu Kriste, ba tšea Leina la Monyadi. Ba na le la bokereke bja leina, bokereke; ga go yo motee a kilego a kolobetšwa ka dithaetlele tšela tša “Tate, Morwa, le Moya wo Mokgethwa,” goba go fafatšwa; le dilo tše tša setšo e lego tša dikereke tša lebaka le, mosepelo wa molwa le Kriste, seswantšho sa sebata. Ga go yo mongwe a ilego a kolobetšwa ka leina la “Tate, Morwa, Moya wo Mokgethwa,” go fihla kereke ya Katoliki. Ka moka Beibele, le ka moka histori, ka morago ga fao, e re ba ile ba kolobetšwa Leineng la Jesu.

322 Paulo o rile, ka go Bagalata 8:1, “Le ge Morongwa wa go tšwa Legodimong a ka tla gomme a rera Ebangedi ye nngwe ye e itšego, a e be morogwa.” Gomme O laetše batho bao ba bego ba kolobeditšwe ka tlase ga Johane, yo motee yo a swanago yo a kolobeditšego Jesu, go tla le go kolobetšwa gape Leineng la Jesu Kriste, ka go Ditiro 19. Gomme a re, “Le se ke le ge e ka ba go dumelela Morongwa go le botša eng kapa eng gape.”

323 Fao go tla tla motseta ka letšatšing la mafelelo, o tla hlhlehla batho morago go thakangwaga, morago go Tumelo ya setlogo. E fe, Morena, gore Motseta yo mogolo yola magareng ga rena bjale, Kriste yo mogolo, Moya wo Mokgethwa wo o dirilwego go ba molaleng, o dirilego go kwešiša, o butšego Lentšu le go Le utolla go rena, a nke A ba hlhlehle morago go ya setlogo, Tumelo ya sepentecost. Bjalo ka ge Petro a rile, ka Letšatši la Pentecost, “Sokologang, yo mongwe le yo mongwe wa lena, gomme le kolobetsweng Leineng la Jesu Kriste tshwarelong ya sebe.” Gomme go bile ka tsela yeo go ya ka gosafelego, go motho yo mongwe ke yo mongwe, go fihla kereke ya Roma ka Nicaea.

324 Modimo, eba motlalakgaugelo bjale. Mogobe o tla be o loketše; dipelo di bulegile. E tla ka gare, Morena Jesu. Re ka diiring tša mafelelo. Ge fao go na le kgonagalo, Morena, ya bona go tla ka gare ka go iri ye; yeo, ke holofelago le go tshepa gore e fao. Gomme rena ba re lego ka gare, Morena, a nke re itsee setoko bjale, gore re bone gomme re kwele Lentšu la Modimo le bolela go kgabola Lentšu la Gagwe, gomme re tseba iri ye re e phelago. E fe, Tate. Re ba neela go Wena, Leineng la Morwa wa Gago.

325 Bjale ka dihlogo tša rena di inamišitšwe.

Ka boleta le tlhokomelo Jesu o a bitša,
O bitša wena . . .



MONYANYA WA DIPHALAFALA NST64-0719M
(The Feast Of The Trumpets)

Molaetša wo ka Ngwanešu William Marrion Branham, setlogong o abilwe ka Seisimane ka Sontaga mosong, Julae 19, 1964, mo Branham Tabarenekele ka Jeffersonville, Indiana, U.S.A., o tšerwe go tšwa go theipi ya go gatišwa ya makenete gomme o ngwadilwe ntle le go fokotšwa ka Seisimane. Ye ya North Sotho tlhathollo e ngwadilwe gomme ya phatlalatšwa ke Voice of God Recordings.

NORTH SOTHO

©2016 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE
58 DISA ROAD, ADMIRAL'S PARK, GORDON'S BAY 7140 WESTERN CAPE
REPUBLIC OF SOUTH AFRICA

VOICE OF GOD RECORDINGS
P.O. BOX 950, JEFFERSONVILLE, INDIANA 47131 U.S.A.
www.branham.org

Tsebišo ka tokelo-kgatišo

Ditokelo ka moka di bolokilwe. Puku ye e ka ngwalollwa godimo ga sengwalolli sa ka gae go šomišwa ke mong goba go fiwa ntle, mahala ntle le tefo, bjalo ka sedirišwa go gaša Ebangedi ya Jesu Kriste. Puku ye e ka se kgone go rekišwa, go tšweletšwa gape ka bopepetla, go romelwa go website, go bolokwa go sedirišwa sa go bušetša, go hlathollelwa malemeng a mangwe, goba go šomišetšwa go kgopela ditšhelete ntle le tumelelo ya go ngwalwa ya Voice Of God Recordings®.

Tshedimošo ye e Tseneletšeng goba materiale yo mongwe o leng gona, ka kgopelo ikopanye le:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org